

**ESHAARA
Z'OMWAKA
MUTSYA
EZ'OTASHEMEREIRE
KUFEEERWA**

AKATABO K'EBIRO 31

OKUTONA

Akatabo k'ashaara ako, nikatonwa ibara mwana wa Ruhanga orikwimuka n'okwikiriza omu mwaka musya, aine ekihika, hamwe n'okumariirira okuhikire.

Ahabw'abo abarikwenda kutaaha omu mwaka mutsya batarikufa agagutaahamu batyo, baitu bakatoorana kuragiira emiryango y'omwaka kwigurwaho n'ashaara, okwefubira, hamwe n'okuranga eby'oburangi.

Ebiro 31 nibikaimutsye omuriro,
bikagaruraho ekitiiniwa kyaawe
ky'obwaruhanga, bikakomoorora
enjegyere, bikaigura enyigi, kandi
bikakuhitsya ahi Ruhanga
arikwenda ogu ohikye.

Ekitiinwa kube ahari Ruhanga Taata,
Mwana, hamwe na Mutima
Orikwera. Amiina.

ENYANJURA

Okwezi kwa Biruuru n'omuryango ogurikwiguriraho omwaka, kandi na buri omwe orikutegyeka omuryango niwe arikutegyeka n'orugyendo.

Abantu baingi nibataaha omu mwaka musya n'ekihika kingi, baitu batafiireyo kwebembeza Mukama, kireetera Sitaane amaani g'okwiba, okuhuzya, kuteganisa nari okukyerereza emigisha yaabo.

Akatabo aka kakuhairwe nk'ekikwato, engabo, hamwe na kompaasi y'oburangi – kwenda kukuhitsya ahansi y'eiguru erikwigurirwe, waaba oriyo nootaaha omu mwaka musya.

❖ ***Ezi ti shaara za buriijo.***

*Ezi tikugira nangwa n'eshaara
“nungi.”*

*Ezi n'eshaara z'okutenga orugamba,
n'eshaara z'oburangi, kandi
n'eshaara z'omusingye eziraije
kureetera omwaka oku garaashushe.*

❖ ***Buri izooba riine ebi:***

**Ekyahandiikirwe kwenda
kwebembera omutima gwawe.*

**Eshaara y'amaani y'okubinga
omwirima, kandi n'okureeba oku
omwaka guraagyende.*

**Hamwe n'Eshaara y'omuriro
ahabw'okuhendera eizooba.*

❖ ***Kuhika aha muheru gw'ebiro 31,
noija kuba:***

- Waagarukiirwe obushoboorozi bwawe omu by'omutima
- Buri rwigi rwa Sitaane kuba rwakingirwe
- Kwiguraho enyigi z'emigisha, obwengye hamwe na sipiidi y'okugyenderaho
- Okumaraho enteekateeka y'okukyerererwa, ey'okusyaraara, hamwe n'emitwarize mibi.
- Waateireho omusingye muhango gw'eby'omutima ahabw'omwaka gwona.
- Oru nirwe rugyendo rwawe orw'okwegarura busya omu mwaka gu omutsya.
- Ezi n'eshaara z'okutandika omwaka ezi otashemereire kufeerwa.

OMUSINGYE GW'EBYAHANDIIRWE AHABW'ESHAARA Z'OMWAKA MUTSYA

ZAABURI 24:7

“Imwe marembo mwe nimwimutsye
ebisasi byanyu..... Omugabe
w'ekitiinwa abone kutaahamu.”
Ahabw'okuba okwezi kwa Biruuru
nikwe eirembo.

YOBU 22:28

“Nibwo oricwamu eki orikwenda
kukora, kikakugyendera gye.”
Ahabw'okuba ebi ocwamu nibyo
bitebeekanisa omwaka.

3. ZAABURI 65:11

“Oha omwaka omweru mwingi.”
Ahabw'okuba Ruhanga naakunda
kutandika omwaka gwawe n'omugisha.

4. ISAAYA 43:19

“Reeba ninyija kukora ekintu kisyu.”
Ahabw’okuba Ruhanga agarura busya
omugisha gwawe aha kutandika
kw’omwaka.

5. EBIRAGIRO 28:13

“Nyakubaho aryakuhindura omutwe, ti
mukira.”
Ahabw’okuba omwaka niguragirwa
kutandikira omu businguzi, kutari
kusingwa.

EKIRO 1
NINDAGIIRA EMIRYANGO
Y'OMWAKA MUTSYA
OKWIGURWAHO

Ekyahandiikirwe: “Imwe marembo mwe, nimwimutsye ebisasi byanyu..... Omugabe w'ekitiinwa abone kutaahamu!”

ESHAARA Y'AMAANI

Omu iziina ery'amaani erya Yesu Kristo, Ninyemerera aha miryango y'omwaka mutsya k'omwana w'endagaano ya Ruhanga.

Ahabw'obushoboorozi bw'omusharaba, ahabw'amaani agari omu shagaama ya Yesu,

kandi n’ahabw’omuriro gwa Mutima
Orikwera,
Nindagiira amarembo g’omwaka mutsya
kunyiguriraho!

Amarembo g’obwengye – IGURAHO.

Amarembo agarikurahuka munonga
IGURAHO

Ibara irembo ry’okugyenda omu maisho
IGURAHO

Ibara irembo ry’okutunguuka – IGURAHO

Ibara irembo ry’emigisha – IGURAHO

Ibara irembo ry’omugisha, n’okugarurwa
omu buteeka – IGURAHO HATI omu
iziina rya Yesu!

Kandi na ibara irembo eryaigwirweho
Sitaane, HATI RYAKINGIRWA KIMWE
EBIRO BYONA

**Amarembo g’eby’obufumu
GAAKINGWA!*

**Amarembo g'okutagira mugisha
GAAKINGWA!*

**Amarembo g'endwara – GAAKINGWA!*

**Amarembo g'okwimuka noogwa
GAAKINGWA !*

**Amarembo g'okutagira maani omu
by'amagara g'omutima – GAAKINGWA!*

**Amarembo g'oruhuzyo – GAAKINGWA!*

Reka Omugabe ow'Ekitiinwa abe niwe
yaategyeka omu mwaka ogu.!

Reka ekyererezi kye kibingire kimwe
omwirima!

Reka amaani ge gahunamise ibara iraka
ry'omubi.

Amiina.

ESHAARA Y'OMURIRO

Ai muriro gwa Mutima Orikwera
ogurikwaka, gyenda onyebembeire omu
buri kwezi k'omwaka ogu, kandi obingire
kimwe omwirima gwona ogwesherekire aha
marembo g'omwaka.

Bingira kimwe ibara nteekateeka mbi.

Bingira kimwe ibara karande akaremeireho.

Bingira kimwe embariirira hamwe
n'entebeekanisa ya Sitaane.

Bingira kimwe ibara kukingirwa Sitaane
okuntegyereize omu mwaka ogu.

Ninyeta omuriro gwa Ruhanga kwetooroora
omwaka gwangye, okutandika na hati
okuhitsya 31 Muzimbeezi.

Na rurara ya Mutima Orikwera,
ninshariraho kimwe ibara kakwate kabi
akabaire kariho omwaka oguhwaire.

N'eshagama ya Yesu, ninyigariza kimwe akahanda koonu aku Sitaane yakwenzire kurabamu.

Nyowe mpaasiriirwe.

Okwezi oku kuhaasiriirwe.

Omwaka gwangye guhaasiriirwe.

Omuhanda gwangye guhaasiriirwe.

Omu iziina erikukira agandi maziina erya Yesu.

Amiina.

EKIRO 2
RUHANGA OGYENDA
ANYEBEMBEIRE

Ekyahandiikirwe: “Nyakubaho orikugyenda akwebembeire, naija kuguma naiwe, tarikwija kukuhemukaho, n’obu kwakuba okukusigaho.” (*Ebiragiro 31:8*)

ESHAARA Y’AMAANI

Mukama Yesu Kristo, niuwe ogyenda omu maisho g’abaana baawe. Eri izooba, ninta orugyendo rwona orw’ogu mwaka omu mikono yaawe.

Onyebembere, Ai Mukama!

Oyebembere eka yangye!

Oyebembere obutumwa bwangye!

Oyebembere eby’esente zangye!

Oyebembere ebirooto byangye,
enteekateeka zangye hamwe n'emirimo
empeirwe kukora!

Ahu akabi kari – okataataanise.

Ahu omwirima guri – reetaho
ekyererezi kyawe.

Ahu obufumu n'oburaguzi biri – taho
amatambiro g'omuriro.

Ahu emitego eri – gicwekyereze
n'Amaani gaawe.

Ahariho okuhondana – taho obuteeka
bwawe.

Ahariho okukyerererwa – reetaho
okurahuka.

Ahariho okuremesibwa – kuragire
kurugyeho.

Mukama, ba niwe waanyebembera,
naanye ninyija kukukuratira.
Ba niwe wandwanirira, ninyija kusingura.
Yeemerera omu maisho gangye,
tindikwija kutiina.
Omu iziina ery'amaani okukira agandi
maziina erya Yesu.
Amiina.

ESHAARA Y'OMURIRO

Ai muriro gwa Ruhanga
ogurikucwekyereza,
Ngyenda omu maisho buri izooba ery'ogu
mwaka.

Cwekyereza:

- ibara karenda mbi
- ibara ntebeekanisa ya Sitaane
- ibara murimo ogukuhairwe Sitaane
- ibara mugisha mubi

- ibara rukiiko rubi orunkiikiirwe
- ibara mukingo ogwantairweho
baatatenkuru
- ibara rukwe rw'ebuy'obufumu
- ibara mucwe mubi ogw'okuguma
ninyimuka ningwa

Reka omuriro gwa Mukama gweyerere
omuhanda gwangye!

Nindangirira ngu Ruhanga wa
Aburahamu, Isaaka na Yakobo, agyende
anyebembeire, angyende aha rubaju,
angyende n'enyima.

Ningyenda omu maisho ntarikutiina.

Ninyeyongyera n'amaani.

Ningyendera ahansi y'oburinzi bwa
Ruhanga.

Omu iziina rya Yesu ery'amaani.

Amiina.

EKIRO 3
MUKAMA, TEBEEKANISA
EMIGYENDERE YANGYE

Ekyahandiikirwe: “Nyakubaho ayebembera omuntu omu rugyendo rwe, kandi arinda abamugwisa gye.”
(*Zaaburi 37:23*)

ESHAARA Y’AMAANI

Taata, omu iziina rya Yesu,
nimpeerezayo ahari Iwe ebigyere
byangye, obwengye bwangye, encwamu
yangye, hamwe n’orugyendo rwangye.
Tebeekanisa ebigyere byangye, Ai
Mukama!
Ba niuwe wanye bembera omu rugyendo
rwangye.
Nyoreka encwamu ehikire.

Tebeekanisa omuhanda gwangye.
Nyebebera omu mikago ehikire,
emirimo ehikire, obutumwa buhikire,
ebitwehinguririize ebihikire, hamwe
n'emigisha ehikire.

Ibara muhanda gw'omuzambaaro
gwiiheho

Ibara muhanda gw'okusheeny
guremese

Ibara muhanda ogwatebeekanisiibwe
omuzigu – gukiingeho

Ibara muhanda ogwijwire
emitegogworekye.

Ragiirira ebigyere byangye omu:

- * buganzi
- * nkoragana nungi y'obwa Ruhanga
- * mirimo mirungi
- * kukura omu by'omutima
- * businguzi

- * iguru rishashanukire
- * kuhikiirira
- * busingye

Mukama, reka ebigyere byangye
bigyendere omuriwe omwaka ogu.

Reka buri mwanya ahu ekisinsiino kyangye
kiraaribate hatwarwe nk'ah'obusinguzi.

Omu iziina erikukira agandi maziina erya
Yesu. Amiina.

ESHAARA Y'OMURIRO

Ai muriro gwa Mutima Orikwera
ogurikwaka, yeetooroore engyendo zangye
n'Orumuri rwawe ahabw'okwenda
kunyorekyerera,

Cwekyereza ibara muhanda gwa:

- * enaku
- * okusingwa
- * okubaihwabaihwa
- * okutwaririzibwa eby'obufumu
- * okubaihwabaihwa
- * emitego esherekirwe
- * okutatebeekanisibwa gye omu birikukwimukamu
- * kusiisikarirwa omu by'esente

Kyokyeze kimwe kibe omuyonga!

Reka omuriro gwa Ruhanga gumurikye omuhanda gwangye

Reka Mutima wa Ruhanga anagye akagambo omu mutima gwangye.

Reka omuyaga gwa Ruhanga gunteishure okuruga omu kabi.

Reka omukono gwa Ruhanga gunkurure gumpitsye ow'omugisha.

Nindangirira ngu:

Ebigyere byangye bihami.

Omuhanda gwangye guhaasiriirwe.

Orugyendo rwangye ni rurungi.

Omusingye gwangye gwine amaani.

Orugyendo rwangye n'orurikwera.

Omu iziina rya Yesu. Amiina.

EKIRO 4
MUKAMA, CWANYAGURA
AKARANDE KABI
AKATUURA KANKURATIRE

Ekyahandiikirwe: “Reeba ninyija kukora ekintu kisywa, nangwa kyagiire kubaho, mbwenu shi timurikukireeba?”
(*Isaaya 43:19*)

ESHAARA Y’AMAANI

Omu iziina eririkurirayo obukuru erya Yesu Kristo, nindwanisiza kimwe buri mucwe mubi ogutwire gunkuratiire, gukuratiriize eka yangye, nari gukuratiriire nangwa n’omugisha gwangye kuruga omu myaka y’enyima.

Ahabw'amaani g'omusharaba,
n'ahabw'obushoboorozi
bw'eshagama ya Yesu, kandi
n'abw'omuriro gwa Mutima
Orikwera, nincweraho kimwe ibara
mucwe hati!

*Ibara mucwe gw'okuremwa
CWEKA!*

*Ibara mucwe gw'okukyerererwa
CWEKA!*

*Ibara mucwe gw'okuteganisibwa
CWEKA!*

*Ibara mucwe gw'amakuru mabi
CWEKA!*

*Ibara mucwe gw'okubuzabuzibwa
CWEKA!*

*Ibara mucwe gw'okutagira mugisha
CWEKA!*

*Ibara mucwe gw'okwimuka noogwa
CWEKA!*

*Ibara mucwe gw'okuhemuka
CWEKA!*

*Ibara mucwe gw'okusyaraara
CWEKA!*

*Ibara mucwe gw'okugira amaani
makye omu by'omutima – CWEKA!*

Reka obutandikiriro bw'emicwe egi
bumarweho.

Reka enkora y'emicwe egi ehendere
HATI!

Reka orujegyere rucweke HATI!

Reka ekitebyo eki kihindukye HATI!

Mukama, reeta enkora NSYA:

enkora y'okurahutsya,

ey'okushemererwa, ey'obuganzi,

ey'okugyenda omu maisho,

ey'okuhaburwa, ey'obusingye,

ey'obutebeekana hamwe

n'ey'obusinguzi.

Omu iziina eririkukira agandi maziina
erya Yesu. Amiina.

ESHAARA Y'OMURIRO

Ai muriro gwa Ruhanga ogurikwosya,
randura emizi ya ibara mucwe mubi oguri
omu magara gangye, ogyosye ehindukye
omuyonga.

Cwekyereza:

Emicwe erikukomooka omu ka ya Tata.
Emicwe erikukomooka omu ka ya
Maama

Emicwe erikwinegyezibwa
okutuntuzibwa, okutiina, hamwe
n'ebituntuzo byona eby'enyima.

Karenda ya Sitaane etebeekanisiibwe
kwimutsya obubi.

Ibara itambiro eririkwinegyeza entuura
mbi ey'obwire obwahwaireho.

Ibara iraka eririkunyeta kungarura omu
bintu bibi ebi naarugiremu.

Ibara mutima mubi ogurikuguma
nigurondooza okugyenda omu maisho
kwangye.

Ibara rujegyere orurikugyemesereza
amagara gangye kuza omu micwe
egyo.

***Reka omuriro gwa Ruhanga
gureeteho emicwe mirungi misya:***

- * omucwe gw'okuheereza obujurizi
- * omucwe gw'okushaba
- * omucwe gw'okutunga emigisha
y'omu iguru
- * omucwe gw'okukiza n'okugarura
busya
- * omucwe gw'okutunguura n'okugira
obwira bwa Ruhanga

Amagara gangye nigagyenda omu
maisho.

Omugisha gwangye gukwaitse
nigweyongyera.

Emicwe yangye ehindikire.

Ekitebyo kyangye hati ni kitsya.

Omu iziina eririkukira amaziina agandi
goona erya Yesu. Amiina.

EKIRO 5
MUKAMA, SHUKA AMAJUTA AHA
MUTWE GWANGYE
AHABW'ORUGYENDO
ORUKIRI OMU MAISHO

Ekyahandiikirwe: “Onshuka amajuta aha mutwe; ekikopo kyangye nikisheesheka.” (*Zaaburi 23:5*)

ESHAARA Y'AMAANI

Mukama Yesu, ninyimutsya omutwe ahari Iwe, kandi ninkushaba oku ompaasirira busya n'amajuta aha bw'orugyendo oru.

Haasirira obwonko bwangye, mbone kuteekateeka n'obwengye bwa Ruhanga.

Mpaasirira omu maisho gangye,
mbaase kureeba n'okwetegyereza.
Mpaasirira omu matu gangye mpurire
eiraka ryawe, n'okuhunamisa omubi
orikumpwihwisiza aha rubaju.
Mpaasirira aha minwa yangye,
mbaase kugamba amagara,
obusinguzi, oburangi hamwe
n'amazima.
Mpaasirira omu ngaro zangye, mbone
kukwata emigisha bitari bizibu.
Mpaasirira ebigyere byangye, mbaase
kuza kukora emirimo erikwera
erikuba empeirwe baitu etari mitego.
Mpaasirira omu mutima gwangye,
mbaase kukunda, kusaasira,
kwikiriza, hamwe n'okugumisiriza.
Mpaasirira omu magara gangye,
kubaasa kusingura ibara ihunga ryona
eririkunyizira.

Okwoma kw'omuringo gwona okuri
omuriinye – KUBINGYEMU

Okuhwa amaani n'okuruha

NYIMUTSYA

Okujwanga okw'omuringo gwona

NTEBEEKANISA

Okuhurira ndemereirwe omu

by'omutima – NYUGIZAHO

Reka amajuta gaawe gampindure
otakikwatwaho, otarikutengyesibwa,
kandi otarikwemerezibwa.

Mukama, reka amajuta masya
gaitururukye kurugira kimwe aha
kirunga ky'omu mutwe gwangye,
kuhikira kimwe aha nkaito eziri omu
bigyere byangye.

Omu iziina erikukira amaziina agandi
goona erya Yesu. Amiina.

ESHAARA Y'OMURIRO

Ai muriro gwa Mutima Orikwera
ogurikwosya, shuka ahariinye amajuta
g'omu iguru.

Cwekyereza:

Okuremeererwa kwona, omuzambaaro,
okusiisikara hamwe n'oburuhe
Ibara majuta ga Sitaane
aganshukirweho omu birooto nari omu
migyenzo.

Okusiisikara kwona okw'omutima
okurikugyenderera kuumaramu
amaani.

Mbwenu hati, Ai Mukama:

- * Reka amajuta g'obwengye
ganshukweho.
- * Reka amajuta g'obusinguzi
gashukwe ahariinye.
- * Reka amajuta g'oburikwera hamwe
n'obuhikiriire gashukwe ahariinye.

- * Reka amajuta g'okurahuka ganshukweho.
- * Reka amajuta g'okurindwa hamwe n'okugumaho gashukwe ahariinye.
- * Reka amajuta g'amaani n'omuriro gashukwe ahariinye.

Reka okusiigwa amajuta kuhikye ahariinye nk'omwana wa Ruhanga ahabwe, gahaasirire orugyendo rwangye, Gaheereze omutima gwangye amaani, Kandi n'okuntebeekasiza ibara mugisha n'orugamba ebiri omu maisho. Omutwe gwangye tigurikyena majuta. Omutima gwangye tigurikyena muriro. Omuhanda gwangye tigurikyena bworekyerezi bwa Ruhanga. Omu iziina eririkukira amaziina agandi erya Yesu. Amiina.

EKIRO 6
MUKAMA, MPWERA
OBUTATWARA AKABI KOONA
OMU MWAKA MUSTYA

Ekyahandiikirwe: : N’ahabw’ekyo, omuntu weena ku aba ari omuri Kristo, aba ekihangwa kisyamba. Ebya kare bihwaho.” (2 Abakorinto 5:17).

ESHAARA Y’AMAANI

Omu iziina eririkukira agandi maziina erya Yesu Kristo, ninyemerera ahansi y’Eshagama ya Yesu, kwetaanuurira kimwe n’ekigaari ky’emitwarize mibi. ***Ninyiha omutima gwangye ahari ebi:***

- * okutaahirirwa okw’omwaka oguhwaire
- * okufeerwa kw’omwaka oguhwaire

- * ebinteganiise omwaka oguhwaire
- * ebi nkyerereize omwaka oguhwaire
- * okusyaraara kw'omu mwaka oguhwaire
- * obweremwa omu by'okwikiriza omu mwaka oguhwaire

Ninyiha omugisha ahari ebi:

- * okuhongyerera baatatenkuru-itwe
- * amatambiro g'eka
- * emikyeeno y'akarande
- * emikago y'enyima eyaahwaireho
- * emitima eyaakomirwe Sitaane
- * ebironda by'omu mutwe
- * oburemeezi omu by'esente
- * endagaano z'ebirooto
- * akakwate k'omukundwa waawe
- * oburwaire oburikukuremeraho butarikukira

Nintaanisa obwengye bwangye,
ebiteekateeko, omubiri gwangye hamwe
n'omutima kuruga ahari buri kimwe eki
omwinazi yaategire omu myaka
ey'enyima.

Ahabw'aamaani g'Omusharaba,
n'ahabw'eshagama ya Yesu, kandi
n'ahabw'omuriro----- gwa Mutima
Orikwera – ninshariraho kimwe ibara
kakwate HATI!

Reka ibara kakwate k'eby'omutima akari
ahagati yangye n'ebya kare kacwekye.

Reka akakwate kangye na Sitaane kasye
kahindukye omuyonga

Reka ibara kibi ekirikwijukwa kibure
amakuru.

Reka ibara ntuura eyatagurwe

Reka ibara ekibaire nikyongyezibwayo
kife HATI!

Ninyerangirira ku naagira obusingye omu
iziina rya Yesu. Amiina.

ESHAARA Y'OMURIRO

Ai muriro gwa Ruhanga ogurikwosya,
taahira kimwe omuri ibara kakwate
k'eby'omutima akatwire kankomeire
omu by'enyima, okasiriize kahweho.

Yokyeza ibara mugoye gw'obukwatwa.
Yokyeza kimwe ibara kahuuzi
karikuteekateeka ahaby'obufumu,

Yokyeza kimwe ibara rujegyere rwa
Sitaane orwetooroire amagara gangye.

Yokyeza kimwe ibara ndagaano mbi
eyahandiikirwe omu mutima.

Yokyeza kimwe ibara mukyeeno
ogwataambuukire gukaija omu mwaka
ogu.

Yokyeza kimwe ibara kakwate
k'akarande akarikwenda ngu kangarure
enyima.

Yokyeza kimwe ibara ekikomire
omutima kitari kirungi.

Yokyeza kimwe ibara kusiisikara kw'ebby'omutima okuriyo nikutaaha omu mwaka gwangye.

Yokyeza kimwe ibara mucwe mubi oгу naataahire nagwo omu kwezi kwa Biruuru ntamanyire.

Reka omuriro gwa Mutima Orikwera gweze omwaka gwangye musya.

Reka endimi z'omuriro kuruga omu iguru zisirize okusharwaho kwangye.

Reka omuriro gwa Ruhanga ogurikumaraho gureeteho entaaniso ahagati yangye n'obwire bwangye bw'enyima.

Hati tinkiine kakwate na kibi.

Nyine obusingye.

Ngarwirwe busya.

Nyikiriziibwe kutaaha omu bwire busya.

Omu iziina eririkukira amaziina agandi erya Yesu. Amiina.

EKIRO 7
MUKAMA, REKA
OMWAKA GWANGYE
GUTANDIKYE N’OBWIRA

Ekyahandiikirwe: : “ Ruhanga
yaateera Eliya omuhimbo.....
yagyenda nairuka ayebembeire Ahabu.”
(1 Abagabe 18:46).

ESHAARA Y’AMAANI

Mukama Yesu Kristo, ninyangira
kimwe omutima gw’okukyererera,
okuzambaara, hamwe n’okugyenda
nooshooba omu magara gangye.
Reka omukono gwawe ogw’amaani
guhumurire ahariinye hati –
omukono nigwo gumwe ogwaizire
ahari Eriya, gukamwongyeramu
omuhimbo omu rugyendo rwe.

***Mpaasirira n'amajuta
g'okunyongeramu engoga:***

*omu rweto rwangye
omu sente zangye
omu butumwa bwangye
omu ka yangye
omu purogyekiti zangye
omu bi nyorekyereire
omu bwegyese bwangye
omu mirimo yangye
omu kukura omu by'omutima
omu mikago yangye
omu businguzi bwangye.*

Ekyakuba kyagumire nikingarura enyima
omu myaka eyaahwaireho –
Nintaana naiwe HATI omu iziina rya Yesu!
Mukama, mpembamu omuriro
n'omuhimbo gw'amaani ogutari gwa
buriijo.

Mpeereza omugisha gw'okutunga
eby'okukora.

Ntamu omuhimbo mbe omuganzi.

Ntuma omu omu nyigi ziigwire.

Ntwara ompitsye omu kishengye
ky'emigisha.

Nyiha omu runyerere rwona
orutarikusimbuka.

Ibara mukono gwa Sitaane
ogurikuunyurura kungarura enyima –
gunsikuremu, kandi gukwatwe omuriro
gusye!

Reka omuyaga gwawe ogurikwera
guntware omu maisho n'obwira
bw'amaani, hamwe n'omuhimbo
gw'omu iguru.

Omu iziina eririkukira amaziina agandi
goona erya Yesu. Amiina.

ESHAARA Y'OMURIRO

Ai muriro gwa Ruhanga ogurikwotsya, cwekyereza ibara maani ga Sitaane aganteirweho kubuzabuza amagara gangye.

Byosye bibe omuyonga:

- * okukyerererwa omu by'esente zangye.
- * okukyerererwa omu by'obushwere bwangye.
- * okukyerererwa omu rweto rwangye.
- * okutuuraho omu kukira kwangye
- * kukyerererwa omu kukira kwangye
- * kukyerererwa omu kuhika aha businguzi
- * kukyerererwa omu kutunga okukuzibwa aha murimo
- * kukyerererwa omu kuhika aha migisha yangye

Kukyerererwa omu kukura kwangye
omu by'omutima

Kukyerererwa omu kutunga emigisha
yangye

Reka OMURIRO gwasye ibara
kirikuremesa.

Reka OMURIRO gurandure ibara
buremeezi.

Reka OMURIRO gumareho ibara
rujegyere orurikunyurura nirungarura
enyima.

Mukama, rekura omuyaga
gw'okurahuka kugyenda omu maisho

Reka baamaraika ab'obwira
banyetooroore

Reka ebigyere byangye bitungye
amaani g'omu iguru.

Reka orugyendo rwangye rurahukye
ahabwa Mutima Orikwera.

Nindangirira:

Omwaka ogu, tindikwija kuremwa.

Omwaka ogu, tindikwija kugyenda mpora.

Omwaka ogu, ninyija kugyenda

n'obwira, n'amaani, hamwe

n'omugisha.

Omu iziina eririkukira amaziina agandi

erya Yesu. Amiina.

EKIRO 8
MUKAMA SHAZAMU IBARA
NTEEKATEEKA MBI YA
SITAANE AHA MWAKA
GWANGYE

Ekyahandiikirwe: “Ahindura busha enaama z’engobya, ziremwa kuhitsya eki zirikukora.” (*Yobu 5:12*)

ESHAARA Y’AMAANI

Omu iziina eririkukira agandi maziina erya Yesu Kristo,
Ninyemerera ahansi y’Eshagama ya Yesu,
kandi nshazamu ibara nteekateeka mbi aha mwaka gwangye.
Ibara nteekateeka ya
Sitaane **YASHAZIBWAMU!**

Ibara ntebeekanisa
y'eb'y'obufumu YASHAZIBWAMU!

Ibara ntebeekanisa ya baatatenkuru
YASHAZIBWAMU!

Ibara ngyenderwaho ya Sitaane
YASHAZIBWAMU!

Ibara kiro kibi ky'amaganya
KYASHAZIBWAMU!

Ibara nteekateeka y'okurwara
kw'ahonaaho – YASHAZIBWAMU!

Ibara nteekateeka y'okugwa kw'esente
– YASHAZIBWAMU!

Ibara nteekateeka y'okucweka omutima
– YASHAZIBWAMU!

Ibara nteekateeka y'okufeerwa,
ebigwererezi, nari oburemeezi
YASHAZIBWAMU!

Ahabw'amaani g'Omusharaba,
NINSHAZAMU:

ibara nteekateeka y'omu itumbi,
ibara nteekateeka y'ebirooto,
ibara ntebeekanisa y'emitwarize mibi,
ibara ntebeekanisa y'akarande,
ibara nteekateeka y'omutima
gw'okukuratiriza.

Reka omuriro gwa Mutima Orikwera,
ibara kihandiiko, omuzingo,
ebirikuteekateekwaho, hamwe na
n'entekateeka ya Sitaane eyekoreire
eiziina ryangye.

Mukama, handiika eizina ryangye na:

- * amashemererwa
- * obusingye
- * okugira omuhimbo/obwira
- * obusinguzi
- * enyigi ziigwire
- * amagara marungi
- * okugarurwa busya

- * okurindwa kurikuruga omu iguru
- * okuha obujurizi

Omu iziina eririkukira amaziina agandi erya Yesu. Amiina.

ESHAARA Y'OMURIRO

Ai muriro gwa Ruhanga ogurikwosya, taaha omuri buri mwanya ahu iziina ryangye ryagambirweho ahabw'ekibi.

Cwekyereza bibe omuyonga:

- * ebihandiiko by'obufumu
- * emizingo y'ebya Sitaane
- * ebyaragiirwe baatatenkuru-itwe
- * enteekateeka za Sitaane
- * omurimo gw'okurondereza eby'abandi
- * zaarepoota mbi
- * ensharamu ya Sitaane
- * ebigambo bibi by'oburangi
- * hamwe n'entebeekanisa yoona y'omwirima etegyereize aha mwezi ogw'omwaka ogu.

Reka ibara rukiiko rwa Sitaane
rubemu obutakyengana rutaataane.
Reka endagaano mbi ebeire
ekoziirwe, etaagurwe baamaraika.
Reka ibara nteekateeka
ehwerekyerezibwe omuriro.
Reka ibara mwambi ogurekyeirwe
kuncumita gubagarukane.
Nindangirira ahabw'omuriro gwa
Mutima Orikwera:
Omwaka gwangye tigukaahikwaho
omuriro.
Omugisha gwangye
tigurikukwatwaho.
Omuhanda gwangye
gutebeekanisiibwe.
Enyigi zangye zirinziirwe gye.
Amagara gangye gari omuri
Mukama.
Ibara nteekateeka mbi
yashazibwamu etakagizire
ekyagirugamu.
Omu iziina eririkukira amaziina
agandi erya Yesu. Amiina.

EKIRO 9

MUKAMA SHUMUURURA EMIGISHA YANGYE Y'OKWEZI KWA BIRUURU HATARIHO KUKYERERERWA

Ekyahandiikirwe: “Manya ebi
waayorekwa bikiine obukuru
bwabyo..... N’obu byakutuuraho,
OBITEGYEREZE. Buzimazima
biryaija.” (*Habakuuku 2:3*)

ESHAARA Y’AMAANI

Mukama Yesu Kristo,
Nindagiira okwezi kwa Biruuru
kwiguraho, kandi kukashumuurura
emigisha yangye HATI!
Ibara mugisha guriho eiziina ryangye
– IJA JUBA hatariho kukyerererwa!
Ibara mugisha gw’esente – IJA HATI!

Ibara mugisha – YEEYOREKYE
HATI!

Ibara kwongyerwaho n’okukuzibwa -
RUGAYO HATI!

Ibara kukizibwa – KIBEKWO HATI!

Ibara rwigirwagwirwe – IGUKA
HATI!

Ibara muhwezi onyoherezeibwe
kuruga omu iguru –
NYOREKYERERA HATI!

Obusinguzi bwona obwegamiire
okwezi oku – BWOREKWE HATI!

Obushoboorozi bwona
oburikukyerereza emigisha yangye
y’okwezi kwa Biruuru – buhwe
amaani!

Bucwanyagurukye!

Buzambaare!

Bukwatwe omuriro!

Bucwekyerezibwe omu iziina rya
Yesu!

Ninyangira kimwe kugyenda mpora
omu by'omutima +++++.

Ninyanga emihingo ya Sitaane.

Ninyanga akaceceko k'omu iguru.

Mukama, reka baamaraika baawe
bagyende, kandi barundaane ibara
mugisha oguntebeekanisiziibwe omu
kwezi kwa Biruuru.

Reka hatabaho na kimwe ekyaguma
kikwatsirwe.

Reka hatabaho ekyaibwa.

Reka hatabaho ekyahaanisibwa.

Reka hatabaho ekyakyererezibwa.

Omu iziina eririkukira amaziina
agandi goona erya Yesu. Amiina.

ESHAARA Y'OMURIRO

Ai muriro gwa Ruhanga ogurikwaka,
cwekywerereza kimwe ibara maani,
agaremeise emigisha yangye y'okwezi
kwa Biruuru.

Cwekyereza:

Ibara mukono mubi ogushutamiire
obusinguzi bwangye.

Ibara irembo rya Sitaane eririkukingira
enyigi zangye eziigwirwe.

Ibara itambiro ry'eby'obufumu
eririkukyerereza okugyenda omu
maisho kwangye.

Omuzimu gwa baatatenkuru
ogurikugyemesereza okusyaraara.

Enkora yona eya Sitaane erikuguma
neerondoora emigisha yangye.

Enkufuru yona etuura esibire ebintu
ebituura biri ebyangye.

Emihingo ya Sitaane etuura eteirwe aha
sente zangye.

Reka OMURIRO gwetooroore
okwezi kwangye kwa Biruuru!
Reka OMURIRO gumareho
okukyerererwa!
Reka OMURIRO gutaataane
okwangisiriza kwona!
Nindangirira n'omuriro:
Emigisha yangye erekwirwe.
Ebigyendererwa byangye birekwirwe.
Obuganzi bwangye burekwirwe.
Eby'okutangaaza byangye
birekwirwe.
Enyigi zangye eziigwire zirekwirwe.
Okwezi kwa Biruuru nikwija
kworobera eiraka rya Mukama.
Omu iziina eririkukira amaziina
agandi erya Yesu. Amiina.

EKIRO 10
MUKAMA YOMBEKA ORUGO
RW'OBURINZI OKWETOOROORA
OMWAKA GWANGYE

Ekyahandiikirwe: “Manya Nyakubaho naagira ati: Niinye ndiba orugo rwayo rw’omuriro, orugyehinguririize, kandi niinye ndiba ekitiinwa kyayo ngirimu.”
(Zekariya 2:5)

ESHAARA Y’AMAANI

Mukama Yesu,
ninta omwaka ogu omu maisho
gaawe, n’okushaba oburinzi bwawe.
Yombeka orugo rw’omuriro
okwetooroora amagara gangye.
Yombeka orugo rw’omuriro
okwetooroora eka yangye.

Yombeka orugo rw'omuriro
okwetooroora ekika kyangye.
Yombeka orugo rw'omuriro
okwetooroora obutumwa bwangye.
Yombeka orugo rw'omuriro
okwetooroora esente zangye.
Yombeka orugo rw'omuriro
okwetooroora oburungi bw'amagara
gangye.
Yombeka orugo rw'omuriro
okwetooroora omugisha gwangye.
Reka buri mwambi ogundekyeirwe
guhwerekyerezibwe omuriro ogwo.
Reka ibara ntumwa y'omwirima
erindagizibwe omuriro ogwo.
Reka ibara ruteerane rw'ebibi
rutaataanisibwe omuriro ogwo.
Reka ibara nteekateeka ya rufu
ecwekyerezibwe omuriro ogwo.

Ibara Sitaane eyoherezeibwe
kureebereza amagara gangye omu
mwaka ogu – OSYE!

Ibara muzimu gw'ekisiraane –
OKWATWE OMURIRO!

Ibara ekyashabirwe baatatenkuru
ekiibi – KICWEKYEREZIBWE!

Ibara ky'obufumu ekirikwetooroora
– KISHUURUURWE KANDI
KITAATAANISIBWE!

Ibara kibunda ky'akabi – KIIHWE
OMU MUHANDA GWANGYE!

Mukama, ntambira

Ndinda

Nkingira

Nshereka

Ngumya

Nsangira

Ndinda gye

Otaikiriza ekibi kumpikaho, nari
kuhika haihi abo boona abaine
akakwate naanye.

Omu iziina eririkukira amaziina
agandi erya Yesu. Amiina.

ESHAARA Y'OMURIRO

Ai muriro gwa Mutima Orikwera
ogurikwosya,
Reka okubaho kwawe okw'amaani
kwetoorore amagara gangye, eka
yangye, hamwe n'omwaka gwangye.

Cwekyereza:

ESHAARA Y'OMURIRO

- * ibara kinyimanyimi kibi
- * ibara muzimu ogurikunkuratira
- * ibara mukingo (roadblock) gwa
Sitaane
- * ibara burwaire obwayoherezeibwe
omu mwaka
- * ibara muzimu gwa zaabutandu

- * ibara muzimu gw'ebisiraani
- * ibara mukono mubi ogunaanwirwe
kwita omugisha gwangye
- * ibara kikwato kya Sitaane
ekirikukuratirira
- * ibara nteekateeka y'okufa juba
obwire butakahikire

Reka baamaraika baine zaarurara
zirikwaka basiisirire okwetooroora
eka yangye.

Reka omuriro gwetooroore
emigyendere yangye.

Reka omuriro gwetooroore enyigi
(emiryango) zangye.

Reka omuriro gwetooroore ebirooto
byangye.

Reka omuriro gwetooroore ab'ekika
kyangye.

Reka omuriro gwetooroore ebyo
byona ebinkwatsireho.

Omwaka ogu, nindangirira ku:
Ndinzirwe omuriro.
Ndinzirwe eiguru
Nsaangiirwe eiguru.
Omutima gwangye guzitiriirwe gye.
Omu iziina eririkukira agandi maziina
erya Yesu. Amiina.

EKIRO 11
MUKAMA, HEEREZA OMUGISHA
EMIRIMO Y’EMIKONO YANGYE,
OMWAKA OGU

Ekyahandiikirwe: “Nyakubaho
aryaheereza omugisha byona ebi
orikoresa emikono yaawe....., oguze
amahanga maingi kwonka
otarikugeeguzaho.” (*Ebiragiro 28:12*)

ESHAARA Y’AMAANI

Mukama Yesu Kristo,
Ninyimutsya emikono yangye
ahariiwe,
Heereza omugisha omurimo
gw’emikono yangye omwaka ugu.
Ohaasirire emikono yangye kutunga.

Ohaasirire emikono yangye
kwombeka.

Ohaasirire emikono yangye
kuhanga.

Ohaasirire emikono yangye
kwongyeraho.

Ohaasirire emikono yangye kwakiira
emigisha.

Ohaasirire emikono yangye kwana
ebijuma.

Ohaasirire emikono yangye
kwekorera obugaiga.

Ibara mukyeeno aha mikono yangye
GUCWE!

Ibara kuremwererwa – KICWE!

Ibara kuzambaara omu by'esente
KICWE

Ibara muzimu gw'obutagira eki
waatunga – GUCWE

Ibara muzimu gwa waaba nooburayo
kakye kusingura – GUCWE!

Ibara mucwe gw'okuremwa kutunga
sente – GUTAATAANISE!

Ibara muringo gw'okutaahirirwa
eby'oburogi aha murimo gwangye
GUSHAZEMU!

Reka emikono yangye egire
omugisha:

- * gw'oburungi
- * gw'obwira
- * gw'okuhangahanga
- * gw'okukora
- * gw'ebiteekateeko
- * gw'okusiimwa kuruga omu iguru
- * gw'obusinguzi
- * gw'obuganzi

Mukama, reka ibara kintu kirungi eki ndakwateho omwaka ogu kyeyongyere okukanya.

Omu iziina eririkukira agandi maziina erya Yesu. Amiina.

ESHAARA Y'OMURIRO

Ai muriro gwa Mutima Orikwera ogurikwosya,
cwekyereza ibara mukyeeno, akabara,
nari okusiisikara okuri aha ngaro zangye.

Cwekyereza:

- * ibara mutima gw'okuremwa
- * ibara muze gwa waaba ori hakyekusingura
- * buri kimwe ekirikukingira esente zangye
- * ibara murimo gw'eby'obufumu oguteirwe aha murimo gwangye
- * Ibara kwekomera ahari baatatenkuru

- * ibara muzimu gw'eibura ry'ebintu
- * ibara ndagaano y'eibura
- * ibara mukono gutarikureebwa
ogurikubinga emigisha
- * ibara burofa bw'omu mutima
obushwekire engaro zangye.

Reka engaro zangye zibugumwemu
omuriro ahabw'okukora!

Reka engaro zangye zeekorere
amajuta g'okukanyisa!

Reka engaro zangye zaakiire emigisha
hamwe n'etitungo!

Reka engaro zangye zireete
obusinguzi hatariho kukyerererwa
kwona!

Omwaka ugu, nindangirira ngu:

Emikono yangye neeza kwombeka.

Emikono yangye neeza kwimuka.

Emikono yangye neija kusingura.

Emikono yangye neeza kutunga.

Emikono yangye neija kuha obujurizi.

Omu iziina eririkukira agandi maziina
erya Yesu. Amiina.

EKIRO 12
MUKAMA, NYIGURA
AMAISHO NDEEBE
EMIGISHA YANGYE

Ekyahandiikirwe: “Humuura amaisho gangye, ndeebe eby’okutangaaza.....”
(*Zaaburi 119:18*)

Ekyahandiikirwe: “Bwanyima ashaba ati: Ai Mukama, ninkweshengyereza omuhwezesa.....” (2 Abagabe 6:17)

ESHAARA Y’AMAANI

Mukama Yesu,
igura amaisho gangye omwaka ogu!
Igura amaisho gangye g’omutima.
Igura amaisho gangye g’omugisha
Igura amaisho gangye g’oburangi.
Igura amaisho gangye g’omunda.

Igura amaisho gangye mbone
kureeba ekiriyo nikiporwa omu iguru.
Nyahaho ibara buhumi bw'omu
mutima.

Juuraho ibara kyekingizo.

Ihaho ibara KIHO kya Sitaane.

Ihaho ibara kyeshangizo
ekirikundemesa kureeba.

Ihaho obuteetegyerezana
obwabyairwe omuzigu Sitaane.

Ihaho ibara kirikuhuzya kyona
kikateganisa emireebere yangye.

Mukama, mpweera mbaase

KUREEBA:

- * emigisha erikutwarwa
nk'oburemeezi
- * abahwezi barikwetwara
nk'abanyamahanga
- * akabi akarikutwarwa nk'emigisha

- * enyigi ezirikutwarwa
nk'eby'okuteganisa
- * okugira akakwate kwesherekire
omu bwire bwa buriijo
- * okutunga emirimo kwesherekire
omu kukyerererwa
- * ebirikutangaaza byesherekire omu
buntu bukye

Mukama, mpeereza amaisho
g'empungu mbaase kureeba hare.

Mpeereza omutima
gw'okwetegyereza mbaase kumanya
obwire bwangye.

Mpeereza obwengye mbaase
kugarukamu ekihikire.

Okuruga hati, tihariho kintu kirungi
ekiraagarukye kundabaho
ntakireebire.

Omu iziina eririkukira amaziina
agandi erya Yesu. Amiina.

ESHAARA Y'OMURIRO

Ai muriro gwa Ruhanga ogurikwosya,
cwekyereza ibara kyekingizo kya
Sitaane ekishangiire amaisho gangye.

Cwekyereza:

- * obuhumi bw'omu mutima
- * emitima erikushushana
- * outeetegyerezana
- * ebishuba
- * okuhabagira
- * okubaihwabaihw
- * okusheeny
- * oruho rw'eby'obufumu
- * ebyeshangizo by'akarande
- * ekiho omu kaimukyeero
- * okucuubwa omuhimbo
- * okutiina okucwerwa orubanja
kuruga omu iguru

Reka omuriro gwa Ruhanga gumurikye
omuhanda gwangye.

Reka ekyererezi kya Kristo kyake
ahari ibara mugisha.

Reka omuriro gwa maraika
gutangaaze ibara mutego.

Reka Mutima Orikwera anyebembere
n'okwegyendesereza.

Okuruga hati, nindangirira ngu:

Amaisho gangye gaine omugisha.

Okuranzya kwangye n'okurikwera.

Okwetegyereza kwangye
n'okw'amaani.

Nindeeba omu muringo gw'oburangi.

Emigisha yangye tereija
kuntorokaho.

Omu iziina eririkukira amaziina
agandi erya Yesu. Amiina.

EKIRO 13
MUKAMA, HUNAMISA IBARA
IRAKA RIBI RIRIKUMPWIHWISIZA
OMU KUTU

Ekyahandiikirwe: “Tiharibaho ky’okurwanisa ekiheetsirwe kukurwanisa, ekirikubaasa; kandi boona abariimuka kutongana naiwe, oryabasinga.”

(Isaaya 54:17)

Ekyahandiikirwe: “Entaama zangye zihurira eiraka ryangye, nzimanya kandi zinkuratira.” *(Yohaana 10:27)*

Mukama Yesu Kristo,
nindagiira ibara iraka ribi
ririkumpwihwisiza omu kutu
KUHUNAMISIBWA HATI!
Ibara iraka ry’okutiina – HUNAMA!

Ibara iraka ry'okumara amaani
HUNAMA!

Ibara iraka ry'okubuzabuzibwa
HUNAMA!

Ibara iraka ry'obuhemukye
HUNAMA!

Ibara iraka ry'okwangwa
HUNAMA!

Ibara iraka ry'eby'obufumu
HUNAMA!

Ibara iraka ry'abakuru ririkweta
eiziina ryangye – HUNAMA!

Ibara mutima gurikunkuratirira
n'okumpwihwihwisiza omu kutu
okusingwa – HUNAMA!

Ibara iraka kuruga omu birooto bibi
HUNAMA!

Ibara iraka ry'okuremwa nari
okukyerererwa – HUNAMA!

Ibara iraka ririkwimuka kuremesa
omugisha gwangye – HUNAMA!
Mukama, reka eiraka ryawe ribe
niryo ryayeshumbaho kugamba omu
magara gangye.

Reka eiraka ryawe ryebembere
ebigyere byangye.

Reka eiraka ryawe ryebembere
encwamu zangye zoon.

Reka eiraka ryawe rireete obusingye.
Ninkingaho ibara ekirikugambirira
Sitaane.

Ninkingaho ibara mukutu gwa
Sitaane.

Ninkingaho ibara kirango kibi.

Ninkingaho ibara iraka eririkubiba
okubuzabuza nari okubaanganisa.

Ninkingaho ibara kigambo
ky'okutiinatinisa.

Reka eshagama ya Yesu egambe
munonga okweshumba ibara rurimi rubi.
Omu iziina erikukira agandi maziina erya
Yesu. Amiina.

ESHAARA Y'OMURIRO

Ai muriro gwa Mutima Orikwera
ogurikwosya,
yosya ibara iraka erijwire obubi
ririkuremesa omugisha gwangye
rihindukye omuyonga.

Cwekyereza:

- * amaraka garikuruga omu matambiro
g'eby'obufumu
- * amaraka kuruga omu ndagaano za
baatatenkuru
- * amaraka kuruga omu mitima
erikukuratiriza

- * amaraka kuruga omu bainazi
ab'eitima
- * amaraka agarikuruga omu mikago
mibi
- * amaraka agarikuruga omu birooto
bya Sitaane
- * amaraka agarikuruga omu
kutabaarizana
- * amaraka agarikuruga omu
kubuzabuza
- * amaraka kuruga omu kutiina nari
okubaanganisa
- * amaraka kuruga omu kutiinisibwa
eby'omutima

Reka omuriro gwa Ruhanga ebyo byona
gubihunamisize kimwe ebiro byona.
Reka enkuba ya Ruhanga ekingeho
ibara kwimutsya eiraka ry'omwirima.

Reka eshagama ya Yesu ekirize kimwe
amaani ibara kigambo ekihandiikirwe,
ekigambirwe, ekihwihwisiibwe, nari
ekiteekateekirwe ahariinye.

Eri izooba, nindangirira ngu:

Amatu gangye gahurire Ruhanga kurungi.

Omutima gwangye gwetabe eiguru.

Obwengye bwangye bwangire kimwe
amaraka agaijwire obubi.

Omwaka gwangye gusibirwe, kuruga omu
bushoboorozi bwa Sitaane

Eiraka rya Mukama niryo bwegamo,
kandi obuhungiro bwangye.

Omu iziina eririkukira amaziina agandi
erya Yesu. Amiina.

EKIRO 14
MUKAMA ,CWANYAGURA
IBARA RUJEGYERE RWA
SITAANE

Ekyahandiikirwe: “Eryo izooba
omutwaro gu yaakwekoreize guryakuruga
aha mabega, omugamba gwe gukwihwe
aha bisya.” (*Isaaya 10:27*)

Ekyahandiikirwe: “Ruhanga waitu niwe
arikusheenyanya ah’okuraba,
akabeebembera.” (*Miika 2:13*)

ESHAARA Y’AMAANI

Mukama Yesu Kristo, ibara rujegyere
rwetekatekire kuremesa okugyenda
omu maisho kwangye omwaka ogu
CWEKA HATI!

Enjegyere z'okukyerererwa – CWEKA!

Enjegyere z'okusyaraara – CWEKA!

Enjegyere z'okwimuka noogwa –
CWEKA!

Enjegyere z'eby'obufumu – CWEKA!

Enjegyere z'emicwe mibi yakarande
k'eka yaitu – CWEKA!

Enjegyere z'okutiina - CWEKA!

Enjegyere z'okubuzabuzibwa
CWEKA!

Enjegyere z'okuburwa esente
CWEKA!

Enjegyere z'okuhemuka – CWEKA!

Enjegyere z'okuhwa amaani
CWEKA!

Enjegyere z'oburuhe bw'omu
biteekateeko – CWEKA!

Enjegyere z'okuguma omu bukwatwa
bwakarande k'eka – CWEKA!

Ibara mugoye ogunkomire ugu
ntarikureeba – NINGUSHARA omu
iziina rya Yesu!

Ibara mutego gw'eby'omutima
ogutwire gukwatsire omugisha
gwangye – NINKUBINGIRA kimwe
HATI!

Ibara kirikundemesa ekyateirwe omu
magara gangye – NINKIRAGIRA
KUKWATWA OMURIRO
KIKASYA!

*Mukama, cwanyagura enjegyere
ezeetooroire:*

- * ebiteekateeko byangye
- * esente zangye
- * emikago yangye
- * obutumwa bwangye
- * obwimukyeero

- * amagara gangye
- * eka yangye
- * ekigyendererwa kyangye
- * omurimo ogumpairwe
- * ebirooto byangye

cwa enjegyere z'abantu abo
abaanyetooroire,
cwa enjegyere z'abo abu ndikuhwera
n'okureebeerera omu by'omutima,
cwa enjegyere za ibara mwana wa
Ruhanga oine akakwate n'eshaara egi.
Ningyendera omu busingye.
Ninyimukira omu kugyenda omu
maisho.
Ningyendera omu kweyongyera
n'obwira.
Omu iziina eririkukira agandi maziina
erya Yesu. Amiina.

ESHAARA Y'OMURIRO

Ai muriro gwa Mutima Orikwera
ogurikwaka,
Taaha omuri ibara kicweka ky'amagara
gangye, ocwanyagure ibara rujegyere
orurikundemesa okugyenda omu
maisho.

Yosya kandi ocwekyerereze kimwe:

- * enjegyere ezirikuruga omu ka ya
Taata
- * enjegyere zirikuruga omu ka ya
Maama
- * enjegyere z'eby'obufumu
- * enjegyere ez'emikyeeno y'akarande
- * enjegyere kuruga omu ndagaano
ezaahenzirwe
- * enjegyere ez'okweremesa
- * enjegyere ez'okuguma nooremwa
- * enjegyere ez'emigisha ei
waafeereirwe

- * enjegyere z'okuranzya ahari Sitaane
- * enjegyere z'obukwatwa
bw'akaimukyeero

Reka OMURIRO gucwanyagure ibara
muteehimbwa.

Reka OMURIRO gwigure ibara
nkufuru.

Reka OMURIRO gusheenye ibara rugo
rutarikureeberwamu

Reka OMURIRO gusheeshuure ibara
rujegyere orwesherekire.

Nindangirira:

Okugyenda omu maisho kwangye
n'okw'amaani tikurikwemerezibwa.

Omugisha gwangye gushumuriirwe.

Okugyenda kwangye kutairwemu
amaani.

Omuhanda gwangye gwigwire.

Eshumi y'okucwa enjegyere yaahika.

Omu iziina eririkukira amaziina agandi
erya Yesu. Amiina.

EKIRO 15
MUKAMA, NYETOOROOZA
ABANTU BAHIKIRE, OMWAKA
OGU

Ekyahandiikirwe: “Ababiri nibakira omwe, ahabw’okuba bazimuurirwa ebi bahendekyeire. Manya ku bagwa, omwe aimutsya mugyenzi we.”

(Omurangirizi 4:9-10)

Ekyahandiikirwe: “Ogyenda n’abanyabwengye, aba omunyabwengye, kwonka ogyenda n’ebigwagwa ayeta omu kabi.” *(Enfumu 13:20)*

ESHAARA Y’AMAANI

Mukama Yesu Kristo,
nyetoorooza abantu bahikire omwaka
ogu!

Nyoherezeza ab'okumpweera omu
rugyendo rwangye.

Nyoherezeza ab'okumpikaanisa
n'obukama bwawe.

Nyoherezeza abahuumuriza
b'abanyabwengye.

Nyoherezeza ab'okunyamba barungi.

Nyoherezeza abatonganirizi abaine
okwikiriza.

Nyoherezeza abantu abaine omugisha,
obwengye hamwe n'obuganzi.

Ibara muntu mubi otebeekanisiibwe
kutaaha omu magara gangye omwaka
ogu – Mukama obakingire!

Bagungire bagume hare!

Reka omuhanda gwabo gutarigira obu
guhikaine n'ogwangye!

Ibara mwitsi w'omugisha

BAGAMBE!

Ibara muntu orikutembera aha bandi
BAATURE BAMANYWE!

Ibara mureebya – BOOREKYE
BAMANYWE!

Ibara mutima mubi ogurikureebereza
gurikukoresa abantu
BATAATAANISE!

Ibara muntu w'omunyeitima
arikweshushaniriza nk'orikufa aha
bandi – OBAIHEMU!

Mukama, mpitsya ahari aba bonka:

- * abantu abarikunyombeka
- * abantu abarikukunda amazima
- * abantu abarikuhagira
ekigyendererwa kyangye
- * abantu abarikushaba naanye
- * abantu abookoreire eneema

- * abantu abarikukundisa abandi okunyeeta
- * abantu abarikukuheereza ekitiinwa
- * Ninyanga amaraka agagwire, okutwaririzibwa okutahikire, emikago mibi, hamwe n'ebitwehinguririize ebitahikire.
- * Nyetoorooza abantu abahikire, kandi ababi obaiheho, obabingye n'omuriro.
- * Omu iziina eririkukira agandi maziina erya Yesu. Amiina.

ESHAARA Y'OMURIRO

Ai muriro gwa Mutima Orikwera
ogurikwaka,
yokyeza kimwe ibara mukago mubi
oguri omu magara gangye.

Cwekyereza:

- * abarikuzambaaza emigisha
- * abarikushiisha obwire
- * abarikutembera aha bandi
- * ababeihi/abanyabishuba
- * abanywani b'abanyeitima
- * ba agyenti abarikukuratiriza
- * bagyenzi baawe abatarikwikiriza
- * abantu abarikukira kwehindura
- * abantu abarikukugambaho ebibi
waaheza kurugaho
- * abantu abatairweho kuremesa
okugyenda omu maisho kwangye.

Reka OMURIRO gwetooroore
emikago yangye gurinde!

Reka OMURIRO gukumiirire buri
omwe otooherenziibwe Ruhanga!

Reka OMURIRO guntaanise ahari
abo abaine akakwate na Sitaane!
Reka OMURIRO gweze abantu
abankwatsireho!

Mukama, reeta omu magara gangye:

- * abaikiriza barungi
- * amaraka agarikugamba amazima
- * abahagizi abeesigwa
- * abahwezi omu birikuragaanwa
- * abu mukwataniise nabo
- * abahabuzi abanyabwengye
- * abantu abarikukukunda Iwe
Ruhanga, kandi barikwikirizana
n'ekigyendererwa kyangye.

Omwaka ugu, nindangirira ngu:

Ninyija kwetereza abantu abahikire
Kwebingaho abantu abatahikire
Kureeba ngu emikago yangye
nentwara omu maisho.

Ebigombe byangye kuba
nibiikirizibwa.

Emirimo yangye erikworeka
okukunda kwa Ruhanga.

Omu iziina erikukira amaziina agandi
erya Yesu. Amiina.

EKIRO 16
MUKAMA, REETA OBUSINGYE
OMU MUTIMA GWANGYE
HAMWE N'OMU KA YANGYE
OMWAKA OGU

Ekyahandiikirwe: “Nimbasigira obusingye, obusingye bwangye naabubaha, ntarikububaha nk’oku ensi ebuha.....” (Yohaana 14:27)

Ekyahandiikirwe: “Ruhanga, Mukama okomookwaho obusingye naija kurahuka kusiitagurira Sitaane ahansi y’ebigyere bye.” (Abarooma 16:20)

ESHAARA Y’AMAANI

Mukama Yesu Kristo,
ori Omwinginya w’obusingye.

Ninkushaba ku oreeta obusingye omu mutima gwangye, hamwe n'omu ka yangye omwaka ogu.

Ibara eihunga omu mutima gwangye – Guma aho!

Ibara kutiina okuri omu mutima gwangye – Tebeekana!

Ibara kushoberwa okuri omu mutima gwangye – Ija ahansi y'Eshagama ya Yesu!

Ibara kironda ekiri omu biteekateeko byangye – Kikizibwe hati!

Ibara rugamba orutakureebeka orurikuteganisa okugwejegyera kwangye – Rumarweho omuriro!

Mukama Yesu Kristo, reka obusingye bwawe butaaha omuri ibara kishengye ky'omu nju yangye.

Reka obusingye bwawe buhikire
kimwe ahari memba weena ow'omu
ka yangye.

Reka obusingye bwawe
buhunamisize kimwe entongane
zoonu.

Reka obusingye bwawe bucureeze
empaka zoonu, hamwe
n'okukimbirirana.

Reka obusingye bwawe bubingire
kimwe omutima gw'okutiina.

Omutima gwona omubi
ogwoherezeibwe kuteganisa eka
yangye – ningukabukira hati!
Shohora orugyemu! Ruga omu
mwanya gwangye! Gyendera kimwe
otarigaruka!

Mukama Yesu Kristo, ikiriza
obusingye bwawe omu mwaka
gwangye.

Reka eka yangye ebe eitambiro
ry'obutebeekana, okushemererwa,
hamwe n'okutuurwamu Ruhanga.
Reka encwamu zangye zoonza zigume
zirugye aha mutima ogwine
obusingye.

Reka omwaka gwangye gugyendere
aha iraka ryawe ry'obusingye.
Omu iziina eririkukira amaziina
agandi erya Yesu. Amiina.

ESHAARA Y'OMURIRO

Ai muriro gwa Mutima Orikwera
ogurikwaka, cwekyereza ibara mutima
mubi ogurikurwanisa obusingye gube
omuyonga!

Cwekyereza:

- * emitima mibi y'obwoba
- * emitima mibi y'okushoberwa
- * emitima mibi y'ekiniga
- * emitima mibi y'okuharikana
- * emitima mibi y'okucuramirirwa
- * emitima mibi erikwija omu kiro
kuremesa okugwejegyera
- * emitima mibi erikwinegyeza
entongane
- * emitima mbi erikureetaho
obutatebeekana omu biteekateeko
- * emitima mibi y'okuremeererwa
- * emitima mibi y'obutaba gye

Reka omuriro gwa Ruhanga gweze eka yangye.

Reka omuriro gwa Ruhanga gushemeze embeera y'omwanya.

Reka omuriro gwa Ruhanga gubingire kimwe omwirima omuri buri kashonda k'enju.

Nindangirira ngu:

Eka yangye eine obusingye.

Omutima gwangye gwine obusingye.

Omwaka gwangye gwine obusingye.

Embeera y'ensi erimu obusingye.

Ruhanga w'obusingye nagyenda

naanye, naansangira,

kandi asiitagirira ibara muzigu ahansi

y'ebigyere byangye.

Omu iziina eririkukira agandi maziina

erya Yesu. Amiina.

EKIRO 17
MUKAMA, NGARURIRA
AMAANI GANGYE KANDI
OGARURE BUSYA OMUTIMA
GWANGYE OMWAKA OGU

Ekyahandiikirwe: “Kwonka abategyereza Nyakubaho baryagarukwamu amaani, batumbeere n’amapapa nk’amashamba.”

(Isaaya 40:31)

Ekyahandiikirwe: “Angaruramu amagara, ahabw’Eiziina rye anyebembera nandabya omu mihanda ehikire.”

(Zaaburi 23:3)

ESHAARA Y’AMAANI

Mukama Yesu Kristo, ngarurira amaani gangye, kandi ogarure busya omutima gwangye!

Garura busya amaani gangye g'omubiri.
Garura busya amaani gangye
g'ebiteekateeko.
Garura busya amaani gangye
g'omutima.
Garura busya amaani gangye
g'obwonko.
Garura busya amaani gangye
g'okweshengyereza.
Garura busya omuhimbo gwangye.
Garura busya omuriro gwangye
gw'omunda.
Garura busya okushemererwa kwangye.
Garura busya amatsiko gangye.
Garura busya obumanzi bwangye.
Garura busya embabazi zangye.
Garura busya okuranzya hare.
Garura busya okwehayo kwangye.

Oburemeezi oburi aha mutima
gwangye– BUNYIHEMU!

Ibara kimwe ekirikuumara amaani
KIBINGYE!

Buri kimwe ekirikundusya
KIMAREHO!

Okubura omuhimbo gw’okushaba
GUNGARUREMU!

Obweremwa obu omuzigu yaakoreise
aha magara gangye – BWIHEMU!

Mukama, nyijuza n’amajuta masya,
amaani masya, omujinya musya hamwe
n’engabirano nsya.

Ta omwisyo gw’amagara omuri ibara
kicweka ky’omubiri gwangye
ekyomire.

Nyongyera amaani g’okwiruka
ntabaasize kugwa enshazi.

Nyongyera amaani g’okutemba buri
rushozi.

Nyongyera amaani g'okuheza buri murimo ogurikuba gumpeirwe.

Nyongyera amaani kubaasa kusingura ibara rugamba.

Ninyanga kuhwa amaani omwaka ogu.

Nitunga amaani masya g'omutaano omu iziina rya Yesu. Amiina.

ESHAARA Y'OMURIRO

Ai muriro gwa Mutima Orikwera ogurikwaka,
cwekyereza buri kimwe ekirikuumara amaani!

Cwekyereza:

- * emitwaro y'omu biteekateeko
- * oburuhe bw'omu mutima
- * okuremeererwa kw'omu mutima
- * okucubwa omuhimbo

- * okutiina
- * okushoberwa
- * okucuramirirwa
- * oruhuzyo
- * ebironda eby'enyima
- * Okutatebeekana omu mutwe
- * okuguma oine oburuhe
- * buri kimwe ekirikuguma
nikinyozyamu amaisho

Reka omuriro gwa Ruhanga gwakire
omu mutima gwangye!

Reka omwisyo gwa Ruhanga gugarure
busya omutima gwangye!

Reka amaani ga Ruhanga gahamye
omubiri gwangye!

Nindangirira ngu:

Hati naagarurwa busya.

Naaheebwa omwanya.

Naimukibwa

Naagira amaani.

Naayongyerwamu amaani.

Naimuka.

Omwaka ogu ninyija kwirukanga,
kandi tindikwija kuhwa maani.

Ninyija kutambura , kwonka tidikugwa
nshazi.

Ninyija kwibira nindaba omu mahunga
goona.

Omu iziina eririkukira amaziina agandi
goona erya Yesu. Amiina.

EKIRO 18
MUKAMA, KUMBAGAZA
EBISIKA N'ENKORA YA
SITAANE OMUKA YANGYE

Ekyahandiikirwe: “Manya eby’okurwanisa byaitu eby’orugamba tibiba by’ab’ensi, kureka bigira amaani ga Ruhanga kusheenyagura ebigo.”

(2 Abakorinto 10:4)

Ekyahandiikirwe: “Kwonka aha rushozi Siyooni haryabaho abarihonokaho, rube orurikwera; n’ab’omuryango gwa Yakobo, bagarukane ebi baabaire banyagirwe.” *(Obadia 1:17)*

ESHAARA Y'AMAANI

Mukama Yesu Kristo, ninyemerera
nk'omusaseridooti aha ka yangye.
Ahabw'obushoboorozi bwa batisimu
yangye kandi nabw'Eiziina ryawe,
nindagiira buri kisiika ekirikurwanisa
eka yangye KURUGAHO HATI!
Ekisiika ky'endwara – RUGAHO!
Ekisiika ky'obworo – RUGAHO!
Ekisiika ky'orufu – RUGAHO!
Ekisiika ky'obugumba – RUGAHO!
Ekisiika ky'obufumu – RUGAHO!
Ekisiika ky'okukyerererwa
RUGAHO!
Ekisiika ky'okubuzabuzibwa
RUGAHO!
Ekisiika ky'ekiniga, n'okwebaganisamu
– RUGAHO!
Ekisiika ky'esindo – RUGAHO!

Ekisiika ky’okutiina – RUGAHO!
Ekisiika ky’okuremwa – RUGAHO!
Ekisiika ky’entaro z’eby’obushwere
RUGAHO!

Ibara ndagaano ya baatatenkuru
NAGYANGA!

Ibara itambiro ry’eka ery’obukafiire
KWATWA OMURIRO OSYE!

Ibara buhunguzi oburimu ebya Sitaane
BUSHAZIBWEMU!

Ibara mukyeeno gw’akarande
GUMARWEHO!

Ibara kuteganisibwa eshagama y’ekika
ESHARWEHO!

Mukama, garuraho eka yangye
Reetaho okukiza kwawe
Reetaho obusingye
Reetaho obumwe

Reetaho obutungi
Reetaho okujunwa
Reetaho okukizibwa
Reetaho ekitiinwa kyawe, omuri ibara
ka yona eine akakwate naanye.
Omu iziina eririkukira amaziina agandi
erya Yesu. Amiina.

ESHAARA Y'OMURIRO

Ai muriro gwa Mutima Orikwera
ogurikwaka, taaha omu kika kyaitu,
oyokyeze kimwe ibara kisiika
ekitukiingiire kube omuyonga!

Cwekyereza:

- * enjegyere z'akarande
- * amatambiro mabi g'eka
- * emikyeeno y'ebika
- * emyambi y'eby'obufumu
- * emitwarize y'akarande

- * emizimu y'okubuzabuza
- * emizimu y'obworo
- * emizimu y'oburwaire
- * emizimu y'eitima
- * emizimu y'okwangana
n'okuharikana
- * emizimu y'abantu kufa bakiri bato

Reka omuriro gwa Ruhanga gweze
eka yangye.

Reka omuriro gwa Ruhanga
gushemeze omusingye gwangye.

Reka omuriro gwa Ruhanga
gucwekyereze ibara muzi
ogurikwinegyeza obukwatwa bw'eka
yangye.

Kuruga hati, nindangirira ngu:
Eka yangye hati eine obusingye.
Eka yangye eheirwe omugisha.
Eka yangye yaagarukaho.

Eka yangye erinzirwe gye.

Eka yangye eri ahansi y'obureeberezi
bwa Ruhanga.

Omu iziina erikukira amaziina agandi
erya Yesu. Amiina.

EKIRO 19
MUKAMA, BINGA OMUZIMU
GW'OBWORO HAMWE
N'OKUBURWA GURUGYE OMU
MAGARA GANGYE

Ekyahandiikirwe: “ Nyakubaho aryakuhindura omutwe, ti mukira, ogume otunguukye otarikubundikwa, kandi oryaguza amahanga maingi, kwonka otarikugeeguzaho.” (*Ebiragiro 28:12-13*)

Ekyahandiikirwe: “Omugisha gwa Nyakubaho gutungisa abantu, kwonka okwehenenga tikugwongyereraho kantu.” (*Enfumu 10:22*)

ESHAARA Y'AMAANI

Mukama Yesu Kristo, ahabw'amaani g'Omusharaba, hamwe n'endagaano y'Eshagama, nimbingira kimwe

omuzimu gw'obworo hamwe
n'okuburwa, omu magara gangye!

Ibara rujegyere rw'obworo
GYENDA HATI!

Ibara muzimu gw'obworo
KWATWA OMURIRO OSYE!

Ibara mukyeeno gw'okuguma omu
ibura – CWEKYEREZIBWA!

Ibara ndagaano y'okugumirwa
kw'ekika – ESHAZIBWEMU!

Ibara karande k'obukwatwa bw'esente
SHOHORA!

Ibara mitwarize ya Sitaane ey'eibura
ry'ebintu – TAATAANISIBWA!

Ibara muzimu ogurikunyibaho
eby'obutungu bwangye – GUBINGYE
HATI!

Ibara maani agarikukingira emigisha
yangye y'esente

GASHANYARAZIBWE!

Ibara mukyeeno ogw'okukora otaine
eki orikwihamu – GURUGYEHO!

Ibara muzimu gw'omururu
GUHUNAMISIBWE!

Mukama, ta emigisha yaawe omu
ngaro zangye.

Ta obutungi bwawe omu murimo
gwangye.

Ragiira okweyongyera kw'eby'omu
ka yangye.

Ragiira omugisha gwawe gwije omu
sente zangye.

Ragiirira okugira ebintu bingi omu
mwaka gwangye.

Nintamwa obworo

Nintamwa okwoma

Nintamwa okuba omu ibura.
Nintamwa obugwa-nyima.
Ningyendera omu mugisha gwa
Aburahamu – omugisha
gw’okubazamu, obutungu,
okweyongyera, hamwe n’okwana
ebijuma. Omu iziina eririkukira
amaziina agandi erya Yesu. Amiina.

ESHAARA Y’OMURIRO

Ai muriro gwa Mutima Orikwera
ogurikwaka, cwekyereza ibara
muzimu gw’obworo oburikurwanira
omu magara gangye guhindukye
omuyonga!

Cwekyereza:

- * obworo bw’akarande
- * obworo ahabw’ebinyetooroire
- * okuremesibwa eby’obuzaarwa

- * obworo bw'ekifumu
- * okuguma omu bukwatwa
bw'eibura ry'esente
- * okugira eshaho zifumukire
- * emizimu erikurya amashaaruura
- * emizimu erikureeta okunaga
ebintu, hamwe n'okukwata eijaga
- * emizimu erikukingira emigisha
- * emizimu y'okusiirana omu
by'esente
- * emizimu y'okwimuka noogwa
- * emizimu y'okuhemuka n'okuguma
omu ibura.

Reka OMURIRO gugwe ahari buri
itambiro eririkwinegyeza obworo!
Reka OMURIRO gucwekyereze
ibara muzimu gwa Sitaane
ogw'eibura ry'ebintu!

Reka OMURIRO gwetooroore esente zangye, kandi gurinde n'ebintu byangye ebirikweyongyera!

Nindangirira ngu:

Esente zangye tizikaahikwaho maani g'omuriro ogurikuruga ahari Sitaane. Emigisha yangye erangiriirwe ku eshaagaine.

Engaro zangye zihaasiriirwe okurenga n'ekigyero.

Omwaka gwangye nigwija kugira ebishaagaine n'omugisha gwa Ruhanga.

Omu iziina eririkukira amaziina agandi erya Yesu. Amiina.

EKIRO 20
MUKAMA, NJUNA
EBIROTO BIBI.

Ekyahandiikirwe: “Abantu ku baabaire bagwejegyeire, omuzigu yaija, yaabiba enkyenzi omu ngano.....”

(Matayo 13:25)

Ekyahandiikirwe: “Mbyama n’obusingye, ndahuka kugwejegyera, manya, Nyakubaho, niwe wenka ondiinda nkagogyeera.” *(Zaaburi 4:8)*

ESHAARA Y’AMAANI

Mukama Yesu Kristo, nintwara obujunaanizibwa bw’okutegyeeka obugarukiro bw’ebirooto byangye.

Ibara kirooto kibi

NINKUSHAZAMU HATI!

Buri nteekateeka mbi ya Sitaane

ECWEKYEREZIBWE!

Ibara muringo

ogw'okutwaririzibwamu

eby'obufumu – GUSHAZIBWEMU!

Ibara kutaahataahwamu akakwate

k'eby'abakuru – KAIHWEHO!

Ibara ndagaano y'ebirooto

ESHAZIBWEMU!

Ibara kakwate n'eby'okuharikanisa

ediini – KAIHWEMU!

Ibara kirooto ekirikukwata aha itungo

ryangye – NIKIKAKWATWE

OMURIRO!

Ibara kirooto ky'okufa

KISHAZIBWEMU!

Ibara kirooto kirikutiinisa
KIHUNAMISIBWE!

Ibara kusharara nari okuteganisibwa
omu kiro – KUGARUKIRE AHO!

Ibara nyamaishwa ya Sitaane
erikubonekyera omu birooto – ESYE
EBE OMUYONGA!

Ibara kinyimanyimi nari ekibunda
kya Sitaane – OGYENDERE
KIMWE OBUTARIGARUKA!

Ibara muzimu ogurikuguma
nigureebereza

GUSHUURUURWE, KANDI
GUCWEKYEREZIBWE!

Mukama, haasirira ebirooto
byangye.

Haasirira ebiro byangye.

Haasirira okugwejegyera kwangye.

Haasirira n'ebiri omu mutwe
gwangye

Haasirira n'ebi ndikuteekateeka.
Reka baamaraika beemerere aha
rubaju rw'ekitande kyangye.
Reka omuriro gwetooroore
ekishengye kyangye.
Reka Eshagama ya Yesu eshwekye
obwengye bwangye.
Okuruga ekiro kya hati
n'okweyongyerayo, reka buri
kirooto kibi kihindukyemu oruhuzyo
rw'omwinazi.
Reka okurwanisibwa kwona
kuhindukyemu obusinguzi. Reka
okubeihwabeihwa kwona
kuhindukyemu obujurizi.
Omu iziina eririkukira agandi
maziina erya Yesu. Amiina.

ESHAARA Y'OMURIRO

Ai muriro gwa Mutima Orikwera
ogurikwaka, ija omu kirooto
kyangye, kandi OYOSYE ibara
maani mabi!

Cwekyereza:

- * amatambiro ga Sitaane
agarikushagika ebirooto bibi
- * emizimu y'abakuru erikwizira
omu birooto
- * eby'obufumu ebirikwoherezibwa
omu kiro
- * ebirikuharikanisa ediini
- * emizimu erikuguma neereebuuza
- * ebirikutaahataaha omu birooto
- * abarikugabura ekiro

- * oburemeezi oburikukureetera
waayerarikirira, hamwe
n'omuzimu gw'ekikazi
kwebyamisa n'omushaija
agwejegyeire
- * enyamaishwa mbi
- * emitwarize erikubuzabuza
ebirooto

Reka OMURIRO GWA RUHANGA
guteho ekisiika okwetooroora
obwengye bwangye!

Reka OMURIRO GWA RUHANGA
gweze obwonko bwangye!

Reka OMURIRO GWA RUHANGA
gucwekyereze ibara kigo kya
Sitaane!

Reka OMURIRO GWA RUHANGA
gwigaze ibara kahengyere
k'eby'ediini!

Nindangirira ngu:

Ebirooto byangye ni birungi

Okugwejegyera kwangye

n'okw'obusingye.

Ebiro byangye birinzirwe omuriro.

Omugisha gwangye gurinzirwe gye.

Omu iziina eririkukira agandi maziina

erya Yesu. Amiina.

EKIRO 21
MUKAMA, RAGIRA
AMAGARA MARUNGI,
HAMWE N’OBUHANGAAZI
OMU MWAKA GWANGYE

Ekyahandiikirwe: “Tindifa kureka ndyagumaho, nintebya ebi Nyakubaho yaakozire.” (*Zaaburi 118:17*)

Ekyahandiikirwe: “Mugyenzi wangye omukundwa, ninshaba ngu byona bikugyendere gye, ogire amagara marungi.....” (*3 Yohaana 1:2*)

ESHAARA Y’AMAANI

Mukama Yesu Kristo, nimpayo omubiri gwangye, obwengye bwangye, hamwe n’amagara gangye, omu mikono yaawe.

Ragiira amagara marungi, hamwe
n'obuhangaazi omu mwaka gwangye!

Ibara burwaire obutegyereize omu
mwaka ogu – NIMBUSHARAMU
HATI OMU IZIINA RYA YESU!

Ibara ndwara y'akarande
OGYENDE, OMU IZIINA RYA
YESU!

Ibara busaasi oburikuruga omu bazaire
– BUCWEKYEREZIBWE OMU
IZIINA RYA YESU!

Ibara burwaire butarikukira
BUGYENDE OMU IZIINA RYA
YESU!

Ibara nteekateeka y'abantu kufa bakiri
bato – ESHARWEMU HATI OMU
IZIINA RYA YESU!

Ibara mwambi gw'eby'omutima
ogwarasirwe aha magara gangye
GUBAGARUKIRE OMU IZIINA RYA
YESU!

Ibara ntwaaaza eteekateekirwe
omwirima – ESHAZIBWEMU OMU
IZIINA RYA YESU!

Ibara rugyendo rw'okuza omu irwariro
orunteekateekyeirwe – NINDWANGA
OMU IZIINA RYA YESU!

Ibara nteekateeka ya Sitaane y'okumara
omubiri gwangye amaani –
NINGIREMESA OMU IZIINA RYA
YESU!

Mukama Yesu Kristo, yeza eshagama
yangye.

Hamya amagufa gangye.

Yongyera amaani omu mubiri
gwangye.

Garura busya obutofaari bw'omubiri.
Yeza ebicweka byangye by'omubiri.
Nyihamu buri burwaire obundimu.
Ntambira omuringo gwona
ogw'oburwaire obwesherekire
butakashuurukire.

Nkiza zaabutandu hamwe
n'okutaahirirwa kwona okw'ahonaaho.
Reka amagara gaawe gashenenekye
omu mubiri gwangye.

Reka Mutima waawe ayongyere
amaani omu magara gangye.

Reka amaani gaawe garinde emyaka
yaawe.

Nintoorana amagara

Nintoorana amaani

Nintoorana okukira.

Nintoorana amagara ga Ruhanga.

Omu iziina eririkukira amaziina agandi
erya Yesu. Amiina.

ESHAARA Y'OMURIRO

Ai muriro gwa Mutima Orikwera
ogurikwaka,

Ija, omu mubiri gwangye, kandi

OBINGYE buri muringo

gw'oburwaire!

Cwekyereza:

* endwara z'akarande

* obusaasi oburikureetwa
eby'obufumu

* endwara ezirikuruga omu bakuru

* omuringo gw'endwara ezitarikukira

* obumuga obwesherekire

* eshagama esiisikaire

* obusaasi obutarikwetegyerezibwa

* emyambi y'eby'omu mutima

* okutiina oburwaire

Ibara kibunda kya rufu

Reka OMURIRO GWA RUHANGA

gweze omubiri gwangye!

Reka OMWISYO GWA RUHANGA,
guboneze amagara gangye!

Reka AMAGARA GA RUHANGA
gaijuze omutima gwangye!

Nindangirira ngu:

Amagara gangye gahairwe omugisha.

Amagara gangye garinzirwe gye.

Emyaka yangye erinzirwe gye.

Omubiri gwangye gukizire.

Omugisha gwangye guriho.

Omwaka ugu, tihariho buremeezi bwa
juba, tihariho kigwerirezi, tihariho
burwaire, tihariho kufa – okwihaho

AMAGARA gonka, kandi

AMAGARA OMU BWIJWIRE. Omu
iziina eririkukira amaziina agandi erya
Yesu. Amiina.

EKIRO 22
MUKAMA, REKURA
ABARIKUMPWEERA KUHIKIIRIZA
EKIGYENDERERWA KYANGYE
KAREHO OMWAKA OGU

Ekyahandiikirwe: “Daudi yaamanyira aho ku Nyakubaho amuhamize kuba omugabe wa Isiraeli, ahabw’abantu be Abaisiraeli.”

(2 Samueli 5:12)

Ekyahandiikirwe: “Mpaho buri izooba abantu baaguma nibaija kuha Daudi emikono, okuhitsya obu yaagizire eihe rihango ritakareebwaga.”

(1 Obusingye 12:22)(Enfumu 10:22)

ESHAARA Y'AMAANI

Mukama Yesu Kristo, omu Iziina ryawe
hamwe n'amaani g'obushoboorozi
bwawe, nindagiira ab'okumpwera
kuhika aha kigyendererwa kyangye,
kureebekaho kare omu omwaka ogu!
Ibara muhwezi ou eiguru ritumire aha:

- * kwetwa kwangye
- * sente zangye
- * butumwa bwangye
- * murimo gwangye
- * ka yangye
- * kigyendererwa kyangye
- * kukura omu by'omutima
- * zaapurogyekiti zangye
- * nyigi eziigwire

Mukama, BAREKURE HATI!

Ahu baraabe bari hoona – omu
matemba, omu mashuuma,
burugwa-izooba nari
burengyerwa-izooba – REKA
BAMBEEREHO OMU IZIINA RYA
YESU!

Amaani goona agarikukingira abahwezi
bangye – GAIHWEHO OMU IZIINA
RYA YESU!

Ekyesangiro kyona ekiri ahagati yangye
n’abahwezi bangye – KITAAGURWE
OMU IZIINA RYA YESU!

Eiraka ryona eritarikunjwekyera
kurungi – RIHUNAME!

Omukono gwona omubi ogurikubinga
abahwezi bangye - GWOMANKANE!

Omuzimu gwona ogw’okukyererwa
gukaremesa okuhika aha migisha ya
Ruhanga – SHOHORA!

Omuntu weena ow'ekicupuri,
oyoherezeibwe kuza omu mwanya
gw'abayambi abahikire
BASHURUURWE BAMANYWE
OMU IZIINA RYA YESU.

Mukama, koresa emitima y'abahwezi
bangye

Shungura emitima yaabo
Siimura obufura bwabo
Basindikye baije owangye
Reka banyijukye
Reka bansaasibwe
Reka baankwatse

Reka beemerere naanye
Mukama, yoohereza abahwezi
abarikwija beekoreire omugisha,
obwengye hamwe n'okukundwa.
Abahwezi abarikuhikiriza, baitu kutari
kuhezaho eki baashangaho.

Abahwezi abarikwombeka, baitu
batari ab'okusheenyanya.

Abahwezi ab'okwongyeramu, amaani
baitu batari b'okuraba enyima
bakashiisha.

Omu iziina eririkukira amaziina
agandi erya Yesu. Amiina.

ESHAARA Y'OMURIRO

Ai muriro gwa Ruhanga, cwekyereza
amaani goona agarikukingira
abarikumpweera kuhika aha
kigyendererwa kyangye!

Cwekyereza:

- * ebirikuremesa eby'omutima
- * okuremesibwa eby'abakuru
- * Okutaahataahwamu eby'obufumu
- * okukyererwa
- * okujwekyerwa kubi

- * eitima
- * okubaihwabaihw
- * okutiina
- * okubuzabuzibwa
- * emihanda ya Sitaane
- * emikago eteine muhoho

Reka OMURIRO guteho omuhanda gw'abahwezi bangye ab'okumpitsya aha kigyendererwa.

Reka OMURIRO gwimutsye eiziina ryangye omu bantu abahikire.

Reka OMURIRO gucwekyereze ibara kisiika kya Sitaane ekiri ahagati yangye hamwe n'abahwezi bangye.

Reka OMURIRO gwigure emiryango y'okuhikaanisa n'eiguru.

Nindangirira ngu:

Tindikwija kukora nyenka.

Tindikwija kukora ntaine kihwera.

Ninyija kugyenda n'abahwezi
abatooreinwe Ruhanga.

Omwaka ogu, abahwezi nibaija
kukiriza ahaiguru emikono yangye,
batyo batunguure omugisha gwangye.
Omu iziina eririkukira agandi maziina
erya Yesu. Amiina.

EKIRO 23

**MUKAMA, GARURA IBARA MUGISHA
OGWABUZIRE, OGWAIBIRWE, NARI
OGWAKYEREREZEIBWE OMU
MYAKA EY'ENYIMA**

Ekyahandiikirwe: “Ndyabagaruriraho emyaka eyaariirwe emizinga y’enzigye, ebitootera na zaakahembwe.....”

(Yoeli 2:25)

Ekyahandiikirwe: “Daudi yaagarura abantu boona n’ebintu byona ebi Abaameliki baabaire banyagire.”

(1 Samueli 30:18)

ESHAARA Y’AMAANI

Mukama Yesu Kristo, nindagira
OKUGARURIRWA buri kimwe
ekyabuzire, ekyaibirwe,
ekyakererezeibwe, nari ekyatwirwe
aha rubaju!

Ibara mugisha ogwaibirwe kuruga omu:

- * buto bwangye
- * emyaka yangye ey'ahansi
- * magara gangye g'ediini
- * sente zangye
- * mikago yangye
- * magara gangye
- * buheereza bwangye
- * murimo gwangye
- * kigyendererwa kyangye

BIGARURWEHO HATI

Ibara mugisha ogwabuzire

GUGARURWE OMURIRO!

Ibara ky'okutangaaza

ekyakererezeibwe – KYOREKWE
HATI!

Ibara nkoragana eyahendekire

EGARURWEHO OMUGISHA!

Ibara mugisha gw'esente ogwaibirwe
GUGARUKYE GUTEERIZEMU
EMIRUNDI MUSHANJU OMU
IZIINA RYA YESU!

Ibara kigyendererwa ekirikwera
ekyaremeseibwe – KIIMUKIBWE
HATI!

Ibara kushemererwa okwaibirwe
KUGARUKYE!

Ibara bwire obwashiishagwirwe
BUZoorwe!

Ibara mugisha ogwatoozeibwe aha
rubaju – GUNGARUKIRE!

Ibara businguzi obwaziikirwe
BUZoorwe!

Ibara rwingi rw'omugisha orwakingirwe
RUGARUKYE RWIGURWE!

Ibara kihembo ky'eiguru
ekyaremeseibwe – KIGARUKYE
KIIMUKE!

Mukama, byona bigarurwe busya:
emyaka yangye yoonu,
amaani gangye goona,
ekitiinwa kyangye kyona,
omugabo gwangye,
eshumi zangye zoonu ezi
naafeereirwe.

NINYENDA OKUGARURIRWA
EBYANGYE BYONA ahabw'amaani
g'Eshagama ya Yesu.
Omu iziina eririkukira amaziina
agandi goonu erya Yesu. Amiina.

ESHAARA Y'OMURIRO

Ai muriro gwa Mutima Orikwera,
taaha omuri ibara mwanya ahu
emigisha yangye yaaziikirwe
OHOOSYE okuhitsya obu
eraarekurwe!

Cwekyereza:

- * akago k'obufumu
- * amaju g'ebibi
- * amabiikiro g'eby'obuzaarwa
- * emihingo ya Sitaane
- * ebihome by'ediini
- * ebituuro bya Sitaane
- * amatambiro agaremeire ekitiinwa
kyangye
- * endagaano eziremeise emigisha
yangye
- * emizimu eshutamiire
okutunguurwa kwangye

* ba agyenti abarikukingira
okugyenda omu maisho kwangye
Reka OMURIRO gugarureho
ebyafiire

* esente

* ebiteekateeko

* emikago

* amagara

* okushemererwa

* emigisha

* obuhwezi burikuruga omu iguru

* okweyongyera omu maisho

Reka OMURIRO gubingye

omushuma weena okuhitsya obu

baraarekure byona ebitari byabo.

Nindangirira ngu:

Okugarurirwaho ebyangye

nikutandika HATI.

Emigisha yangye neegaruka HATI.

Okugyenda omu maisho kwangye

n'okwa HATI.

Emyaka yangye neecungurwa HATI.
Omugabo gwangye nigugarurwaho
HATI.

Omu iziina eririkukira amaziina
agandi goona erya Yesu. Amiina.

EKIRO 24

**MUKAMA, MPEEREZA AMAANI
KUBAASA KUKORA ENCWAMU
Y’OBWENGYE, KANDI
ERIKWEBEMBERWA MUTIMA
OMWAKA OGU**

Ekyahandiikirwe: “Yesigye
Nyakubaho n’omutima gwawe gwona,
otakaayesiga obwengye bwawe. Omu
by’orikukora byona omwijukye.....”
(*Enfumu 3:5-6*)

Ekyahandiikirwe: “amatu gaanyu
garyahurira ekigambo kirikubareetwa
enyima, nikigira kiti: OGU NIGWO
MUHANDA, MUBE NIGWO
MWAHAMYA.” (*Isaaya 30:21*)

ESHAARA Y'AMAANI

Mukama Yesu Kristo, mpeereza amaani g'okukora encwamu y'obwengye, ehikire, kandi eyeebembeirwe Mutima omwaka ugu!

Otandeka omuri ebi:

- * oruhuzyo
- * obwoba
- * okubuzabuzibwa
- * okubaihwabaihwa
- * okutagira bujunaanizibwa
- * okuhuumurizibwa okutahikire
- * obwire butari bwo
- * emikago mibi
- * emirimo etari yo
- * okukoragana n'abantu batari bo

Ibara mutima gw'okungyemesereza kucwamu ekitahikire – GUKOMWE!

Ibara iraka ririkugamba eby'oruhuzyo
omu murimo yangye –
RIHUNAMISIBWE!

Ibara kicu kya Sitaane ekirikunkingira
okureeba hare – KIIHWEHO!

Ibara kirona ky'omu mutwe gwangye
ekirikundemesa kucwamu ekihikire
KIKIRE!

Ibara maani agatebeekanisiibwe kunyiha
aha kukunda kwa Ruhanga
GAMARWEHO!

Mukama Yesu, nyijuzana:

- * obwengye bw'omu iguru
- * okushoboorokyerwa
- * okugira oburangi bw'okureeba hare
- * obuhuumure
- * obucureezi
- * okwetegyereza
- * okukura omu by'omutima

Nyegyesa okutegyereza
obworekyerezi bwawe.

Nyegyesa kuhurikiriza kurungi eiraka
ryawe.

Nyegyesa kutoorana ekirikugyenda
n'ekigyendererwa kya Ruhanga omu
iguru.

Mukama, reka buri ncwamu y'amaani
ei ndaakore omu mwaka ugu, ebe
eteirweho omukono gwawe.

Omu iziina eririkukira amaziina
agandi erya Yesu. Amiina.

ESHAARA Y'OMURIRO

Ai muriro gwa Mutima Orikwera
ogurikwaka (Ogurikubuguma), yosya
ibara maani agarikurwanisa encwamu
yangye!

Cwekyereza:

- * oruhuzyo
- * okukora ekintu otahamize
- * okuhuma kw'omu mutima
- * okutwaririzibwa
- * okubaiha
- * okuhuumurizibwa kutahikire
- * okutatebeekana omu biteekateeko
- * okukora ekintu omu bwira
otafiireyo
- * okutwaririzibwa Sitaane
- * okutiina okusigwa enyima
- * okugira bagyenzi baawe babi
- * okushoberwa n'okuteekateeka
munonga

Reka OMURIRO GWA RUHANGA
gweze ebiteekateeko byangye!

Reka OMURIRO GWA RUHANGA
gutebeekanise obwengye bwangye!

Reka OMURIRO GWA RUHANGA
gworekya ibara mutego gwona
ogwesherekire!

Reka OMURIRO GWA RUHANGA
gworekye omuhanda oguhikire!

Nindangirira ngu:

Encwamu yangye neeza kunyimutsya
nze ahaiguru.

Ebi ndikusiima nibiija kurinda
omugisha gwangye.

Emigyendere yangye neija kuhikaana
n'okukunda kwa Ruhanga.

Omwaka ugu, ninyija kugyendera
omu kumanya n'omu bwengye
bw'omu mutima.

Omu iziina eririkukira agandi
maziina erya Yesu. Amiina.

EKIRO 25
MUKAMA, RINDA ESENTE
ZANGYE, KANDI ONTEEREHO
OBUTEEKA OMU BY'ESENTE
OMWAKA OGU

Ekyahandiikirwe: “Nyakubaho
aryakwoherereza omugisha, guhikye omu
bitara byawe n’omu bi orikukora
byona.....” (*Ebiragiro 28:8*)

Ekyahandiikirwe: “Aheereza omubibi
embibo, n’omuri ebyokurya.”
(*Isaaya 55:10*)

ESHAARA Y’AMAANI

Mukama Yesu Kristo, ninta esente
zangye ahansi y’oburinzi bw’Eshagama
yaawe.

Rinda:

- * entaasya yangye
- * eby'obugaiga bwangye
- * emirimo yangye y'obushuubuzi
- * zaapurogyekiti zangye
- * banka akaunti zangye
- * amataka gangye
- * ebintu byangye
- * emigisha yangye
- * emihanda yangye y'entaasya
- * akakwate kangye na Ruhanga

OMU IZIINA RYA YESU, amaani
goona agarikurwanisa esente zangye
GAKWATWE OMURIRO!

OMU IZIINA RYA YESU, omururu
gwona ogutumirwe kugotomera
esente zangye

GUHWEREKYERERE HATI!

OMU IZIINA RYA YESU,
ekifumuka ky'omu nshaho zangye
KIIGAZIBWE OMURIRO!

OMU IZIINA RYA YESU, ibara
ntuura y'okwimuka noogwa –
ECWEKEHO!

OMU IZIINA RYA YESU KRISTO,
Ibara mukyeeno gw'okuburwa ebintu
GUCWEKYEREZIBWE!

OMU IZIINA RYA YESU KRISTO,
Ibara muringo gw'okunaga sente
ogunteekateekyeirwe
GUSHAZIBWEMU!

OMU IZIINA RYA YESU KRISTO,
Ibara iraka rya Sitaane eririkunyetera
obworo – RIHUNAMISIBWE!

OMU IZIINA RYA YESU KRISTO,
Ibara mutego gw'okushohoza esente
ahonaaho – GUKINGWEHO!

OMU IZIINA RYA YESU KRISTO,
Ibara mushuma omu by'omutima
GARURA EBI WAIBIRE!

Taata ow'omu iguru, reeta
obutebeekana bw'ebye esente omu
magara gangye.

Reka esente zigumeho.

Reka obutungira bweyongyere.

Reka emigisha eteezibwemu kabiri.

Reka obuganzi bweyongyere.

Reka enyigi z'esente zigume
ziigwire.

Omu iziina eririkukira amaziina
agandi erya Yesu. Amiina.

ESHAARA Y'OMURIRO

Ai muriro gwa Mutima Orikwera
ogurikwaka, taaha omu musingye
gw'esente zangye, kandi obingye
ibara kutaahirirwa Sitaane!

Cwekyereza:

- * amatambiro g'obworo
- * emikyeeeno ya baatatenkuru
y'okuburwa sente

- * okwerarikirira eby'obufumu
- * emizimu y'amabanja
- * oruhuzyo omu by'esente
- * okucuubwa omuhimbo
- * okushiishagura esente
- * okukoragana n'abantu babi
- * emitego y'amabanja ga Sitaane
- * abashuma b'eby'emitima
- * okunaga sente ekitararirainwe
- * okusyaraara omu by'emirimo nari
aha mirimo

Reka OMURIRO GWA MUTIMA
 ORIKWERA gurinde esente zangye!
 Reka OMURIRO GWA MUTIMA
 ORIKWERA gwetooroore emigisha
 yangye!

Reka OMURIRO GWA MUTIMA
 ORIKWERA gurinde amashaaruura
 gangye!

Reka OMURIRO GWA MUTIMA
ORIKWERA gukingire buri mururu
gwona!

Reka OMURIRO GWA MUTIMA
ORIKWERA guhunamise eiraka
ryona ery'obworo!

Nindangirira ngu:

Esente zangye tizikihikwaho muriro.

Eby'obutungu biheirwe omugisha.

Entaasya yangye erinzirwe gye.

Emigisha yangye eriyo

neeyeyongyera.

Eby'obugaiga bwangye tibikwija

kutaaa.

Omwaka ogu, ningyendera omu

bugaiga oburinzirwe gye. Omu iziina

eririkukira amaziina agandi goona

erya Yesu. Amiina.

EKIRO 26
MUKAMA, YONGYERA AMAANI
OMU MAGARA GANGYE
G'OKUSHABA, KANDI
ONYONGYERE OMURIRO
GW'OKUSHABA OMU MWAKA OGU

Ekyahandiikirwe: “Okushaba kw’omuntu ohikiriire kugira amaani, kandi nikukora.” (*Yakobo 5:16*)

Ekyahandiikirwe: “Mushabe obutoosha.” (*1 Abatesalonika 5:17*)

ESHAARA Y’AMAANI

Mukama Yesu Kristo, yongyera amaani omu magara gangye g’okushaba omu mwaka ogu! Reetamu omuriro musya omu mutima gwangye!

Obugara bwona omu kushaba
BURUGYEMU!

Ibara kirikuteganis
KIHUNAMISIBWE!

Obweremwa bw'omuringo gwona
BUMARWEHO!

Okutagira maani g'okushaba
KIRWANISIBWE!

Ibara kuteganisibwa Sitaane omu bwire
bw'okushaba – KICWEKYEREZIBWE
OMURIRO!

Buri mutima mubi gwona
ogurikutumwa kumara amaani amagara
gangye g'okushaba – NINKUKOMA!

Taata ow'omu iguru, nyongyera
okwehurira nyine enjara y'okushaba.

Nyongyera okwehurira nyine ekihika
ky'okukureeba.

Nyongyera ekyetengo ky'okuhurira
Ekgambo kyawe.

Nyongyera okugira emicwe n'obuteeka.

Nyongyera okuranzya hare.

Nyongyera okugyenderera eki ndiho.

Nyongyera okuta amaani
ahaby'omutima.

Mpeereza amaani kushaba:

* n'amaani

* n'omuriro

* n'obwegyendereza

* n'obushoboorozi

* n'okushuruurirwa

* n'okwehayo

* n'okutamu amaani

* n'okushemererwa

Ngira omuntu w'eitambiro.

Ngira ekikwato ky'okushabira abandi.

Ngira ekigaari ky'okureeta omuriro
gw'okujunwa.

Ngira omurwani omu mutima.
Omu iziina eririkukira agandi maziina
erya Yesu. Amiina.

ESHAARA Y'OMURIRO

Ai muriro gwa Mutima Orikwera
ogurikwaka, ija aha itambiro ryangye
ry'okushabiraho!

Cwekyereza:

- * obugara omu by'omutima
- * obweremwa
- * okusheenyagura
- * okutakuratira eki oriho
- * okucubwa omuhimbo
- * okuburwa engoga
- * okutiina
- * oruhuzyo
- * okwomerana
- * okutaahwamu Sitaane

buri maani agarikurwanisa amagara
gangye g'okushaba

Reka OMURIRO GWA MUTIMA
ORIKWERA gwongyere omuhimbo
omu mutima gwangye!

Reka OMURIRO GWA MUTIMA
ORIKWERA gwimutsye enjara
yangye!

Reka OMURIRO GWA MUTIMA
ORIKWERA gwimutsye okukunda
kwangye!

Reka OMURIRO GWA MUTIMA
ORIKWERA gugarure busya emicwe
yangye!

Reka OMURIRO GWA MUTIMA
ORIKWERA gucwe buri rujegyere
orurikundemesa kukura omu
by'omutima!

Nindangirira ngu:

Amagara gangye g'okushaba gariyo
nigeeyongyera.

Eitambiro ryangye niryosya.

Omutima gwangye guri omu buteeka.

Akakwate kangye na Ruhanga
n'ak'amaani.

Omwaka ogu, ninshaba n'amaani,
nyine ekigyendererwa, kandi
n'okukunda.

Omu iziina eririkukira amaziina
agandi erya Yesu. Amiina.

EKIRO 27
MUKAMA, RANDURA IBARA
MUZIGU OYESHEREKIRE,
HAMWE N’ORUGAMBA
RW’ENAAMA, OMU MWAKA
GWANGYE

Ekyahandiikirwe: “Manya tihariho kisherekirwe ekitaryorekwa.”

(Luka 8:17)

Ekyahandiikirwe: “Nyakubaho naija kubarwanirira, kwonka imwe ekyanyu n’okuhama.” *(Okuruga 14:14)*

ESHAARA Y’AMAANI

Mukama yesu Kristo, shuruura kandi orandure ibara muzigu oyesherekire, hamwe na ibara rugamba rw’enaama omu magara gangye omwaka ogu! Ibara muzigu orikweshushaniriza kuba omunywani – **ASHEESHUURWE AREEBWE!**

Enteekateeka mbi ahariinye
EYOREKWE!

Ibara itima ry'omunda
RIMANYWE!

Ibara mutima mubi ogurikukuratirira
GUKWATWE OMURIRO!

Ibara risho ribi eririkureebereza
okugyenda omu maisho kwangye
RIHUME!

Ibara nkoragana y'akabi
erikukorerwa okwo ahansi
ETAATAANISIBWE!

Ibara kigambo kibi ky'okumpemura
ekirikugambirwa omu biho
KIGARUKIRE

NYAKUKIGAMBA!

Ibara kubuzabuza abantu omu
bwesherekye – KUCWEKEHO!

Buri itambiro eryesherekire
erirukwimuka kundwanisa
RICWEKYEREZIBWE OMURIRO!

Omuntu weena orikukorera aha
kundwanisa omu bwesherekye
Mukama Yesu, BOOREKYE
BAMANYWE.

Mukama, BATEGANISE.

Mukama, BAIHEHO EBIKWATO.

Mukama, BAIHEHO OBATE
AHANDI.

Ibara rugamba oru ntarikumanya
Mukama, rundwanire.

Ibara muzigu ori enyima yangye
nantemuurira – Mukama, bateere.

Ibara eiraka erirukuhwihwisiza okwo
omu mwirima – Mukama,
ruhunamise.

Ibara ntebeekanisa mbi eyesherekire
eya Sitaane – Mukama gitaataanise.

Nitwara obujunaanizibwa aha mwaka
gwangye.

Ti hariho rugamba rw'enaama
orurinsingura.

Tihariho mutego gwesherekire
ogurinkwata.

Tihariho ntebeekanisa mbi
erikukorerwa okwo ahansi
erigumaho.

Omu iziina eririkukira amaziina
agandi goona erya Yesu. Amiina,

ESHAARA Y'OMURIRO

Ai muriro gwa Mutima Orikwera
ogurikwaka,
taaha omuri ibara kaanya akarimu
omwirima, ei enteekateeka mbi
ahariinye zeesherekire!

Cwekyereza:

- * abazigu abeesherekire
- * obubi oburi omu maka gaitu
- * eitima eryesherekire
- * emitima mibi erikurondereza
- * okureebyana okurikuraba aha nsi

- * abashahuzi abeeshwekire aha maisho
- * eby'obufumu bwesherekire
- * enteekateeka z'akabi
- * okushahura eby'omutima
- * amatambiro g'okuzimu
- * enteekateeka mbi za Sitaane
- * endagaano za bwesherekye ezirikukorerwa omu mwirima.

Reka OMURIRO GWA MUTIMA
ORIKWERA gubyorekye!

Reka OMURIRO GWA MUTIMA
ORIKWERA gubirandure!

Reka OMURIRO GWA MUTIMA
ORIKWERA gubitaataanise!

Reka OMURIRO GWA MUTIMA
ORIKWERA gubicwekyereze!

Nindangirira ngu:

Ibara muzigu oyesherekire,
asheeshuurwe.

Ibara rugamba rwesherekire,
rusingurwe.

Ibara kutaahirirwa omu bwesherekye,
kubagarukire.

Ibara nteekateeka mbi zirikurabira
ahansi, zikwatwe omuriro.

Ebigyere byangye bigume birinzirwe
gye.

Omugisha gwangye gurinzirwe gye.

Omwaka gwangye gushwekirwe
n'ekyererezi kya Ruhanga.

Omu iziina erikukira amaziina agandi
erya Yesu. Amiina.

EKIRO 28
MUKAMA, MPEEREZA
OBUSHOBOOROZI HAMWE
N’OBUSINGUZI BW’AMAANI
AHA BAZIGU BANGYE,
OMWAKA OGU

Ekyahandiikirwe: “Reeba, mbahaire obushoborozi bw’okusingyeera enjoka n’ebinyabushegu..... tihariho kintu kyona ekiribakora kubi.”

(Luka 10:19)

Ekyahandiikirwe: “Ruhanga ku ariba atwine, turyarwana mashaija, ahabw’okuba niwe arisiitagura abazigu baitu.” *(Zaaburi 108:13)*

ESHAARA Y'AMAANI

Mukama Yesu Kristo, mpeereza
obushoborozi n'obusinguzi
bw'omutaano ahari ibara muzigu
wangye omwaka ogu!

Nintwara obushoborozi ahari:

- * ibara mwinazi w'entunguuka yangye
- * ibara mwinazi w'omugisha gwangye
- * ibara mwinazi w'obusingye bwangye
- * ibara mwinazi w'eka yangye
- * ibara mwinazi w'amagara gangye
- * ibara mwinazi w'obugaiga bwangye
- * ibara mwinazi w'obutumwa
bwangye
- * ibara mwinazi w'orweto rwangye

Ibara mwinazi orikunyimukirira –
OGWE AHANSI HATI OMU IZIINA
RYA YESU!

Ibara kukwatagana – BATAATAANE
OMU IZIINA RYA YESU!

Ibara mwambi ogurikundashwa
GUMUGARUKIRE OMU IZIINA RYA
YESU!

Okutabaaza kwona
okurikuntabaarizibwa
KUHUNAMISIBWE OMU IZIINA
RYA YESU!

Ibara Sitaane erikunyizira – EKOME
AHO OMU IZIINA RYA YESU!

Ibara nteekateeka ya Sitaane
ESHAZIBWEMU OMU IZIINA RYA
YESU!

Buri kwerarikirira eby'oburogo
BUBAGARURIRWE N'OMURIRO
OMU IZIINA RYA YESU!

Taata ow'omu iguru, mpeereza
OBUSHOBOOROZI.

Mpaasirira n'obushoboorozi.

Onyimutsye n'amaani g'omu iguru.

Ndeetera okugyendera omu busunguzi
buri izooba.

Reka abazigu bangye batamwe, ahu
baraabe beeteeraniire hoonu.
Reka abarikumpakanisa bagwe
ahabw'oburungi bwangye.
Reka hatabaho ekikwato kyona
ekiheesirwe ahabwangye ekiraagumeho.
Omu iziina eririkukira amaziina agandi
erya Yesu. Amiina.

ESHAARA Y'OMURIRO

Ai muriro gwa Mutima Orikwera
ogurikwaka, imuka ocwekyereze buri
muzigu orikurwanisa omugisha
gwangye!

Cwekyereza:

- * abafumu abainazi
- * obubi oburi omu maka
- * emizimu y'omu nsharo
- * baagyenti abarikureebereza
- * abany'eitima abatarikunyendeza

- * abarikukwekwatsa Sitaane
- * abarikwesiga ebirooto
- * amatambiro mabi
- * abainazi kurugira kimwe omu nzaaro
- * okurwanisa eby'omutima

Reka OMURIRO GWA RUHANGA
gugyende gunyebembeire!

Reka OMURIRO GWA RUHANGA
gunyetooroore!

Reka OMURIRO GWA RUHANGA
gundwanirire!

Reka OMURIRO GWA RUHANGA
gundwanirire entaro zangye!

Nindingirira ngu:

Ndi omusinguzi.

Ndi otarikukwatwaho.

Nyine amaani omu by'omutima.

Nindwanwaho owa Ruhanga.

Nsingwire okutakareebwaga.

Omwaka ogu, ibara rugamba
niruhinduka obujurizi bw'obusinguzi.
Omu iziina eririkukira agandi maziina
erya Yesu. Amiina!

EKIRO 29
MUKAMA, REKURA
EBIRIKUTANGAAZA KURUGA
OMU IGURU, OMUGISHA
GUTARI GWA BURIIJO, HAMWE
N’OBUSINGUZI, OMWAKA OGU

Ekyahandiikirwe: “Mbwenu imuka, ogirire Siyooni esaasi! Ahabw’okuba obunaku bw’okugigirira embabazi bwahika, amagingo nigo aga.”

(Zaaburi 102:13)

Ekyahandiikirwe: “Ndyabeetaba batakaanyetsire, mbahurire nibakigamba.” *(Isaaya 66:24)*

ESHAARA Y'AMAANI

Mukama Yesu Kristo, rekura
eby'okutangaaza byawe, omugisha
gutari gwa buriijo, hamwe n'obusinguzi
bw'ahonaaho omu magara gangye
omwaka ogu!

Reka enyigi zinyigurireho
ekiteetekateekirwe.

Reka eby'okukora bireebekye
ahonaaho.

Reka emigisha eyeyorekye eteine ahu
erikuruga.

Ibara izooba ery'omwaka

**ONTANGAAZEMU N"OBURUNGI
BWAVE!**

Ibara kwezi okw'omwaka ogu

NJWEKA N'OMUGISHA GWAVE!

Ibara magingo ag'omwaka ogu

NTAYAYIRA N"OBUSINGUZI!

Ahu abantu barikugira ngu "ngaaha"
KIHINDUREMU EEGO!

Ahu emirimo erikunyangira
GYOROBYE AHABWANGYE.

Ahu abandi baaremirwe – MPEEREZA
OBUSINGUZI OBUTARI BWA
BURIJO.

*Taata ow'omu iguru, mpeereza
omugisha na:*

- * abagabe
- * abeebembezi
- * abarikucwamu
- * abakoresa
- * abeegyesa
- * abanyamahanga
- * abakozi ba gavumenti
- * ab'obushoboorozi omu by'omutima

*Reka obusinguzi bw'ahonaaho
butahe omu:*

- * sente zangye
- * nju yangye
- * butumwa bwangye

- * murimo gwangye
- * purogyekiti zangye
- * omu magara gangye
- * ka yangye
- * mugisha gwangye
- * magara gangye g'eby'omutima

Reka ntungye eby'okutangaaza
 ebirikureebuka nk'ebitarikubaasika.
 Omu iziina eririkukira amaziina agandi
 erya Yesu. Amiina.

ESHAARA Y'OMURIRO

Ai muriro gwa Mutima Orikwera
 ogurikwaka, ihaho ibara rugo
 orwemereire ahagati yangye hamwe
 n'ebirikutangaaza by'omu iguru!

Cwekyereza:

- * ebirikuteganisa
- * ebirikukyerereza
- * repoota mbi
- * okwanga kwikiriza

- * okusyaraara
- * emitima erikuremesa emigisha
- * emitwarize mibi y'omu maka
- * eitima
- * obukomo bwa Sitaane
- * emikingo ya Sitaane
- * enyigi zikingirwe

Reka OMURIRO gwawe Mutima
 Orikwera gwigure emiryango yangye,
 hataahemu ebirikutangaaza by'omu
 iguru!

Reka OMURIRO gwawe gwosye ibara
 kisiika kirugeho kwikiriza obusinguzi
 kurabaho!

Reka OMURIRO gwawe gurekure
 emigisha eze omuri ibara kicweka
 ky'omubiri gwangye!

Nindangirira ngu:

Ebirikutangaaza byangye kuruga omu
 iguru birekurwe.

Omugisha gwangye ogutari gwa buriijo
gwimukibwe.

Obusinguzi bwangye obw'ahonaaho
nibworeka.

Nyensya yangye neeza kwaka
okweshumba obundi bwona.

Omu iziina eririkukira amaziina agandi
erya Yesu. Amiina.

EKIRO 30
MUKAMA, HAASIRIRA OMWAKA
GWANGYE, KANDI OYEZE NYENSYA
YANGYE N’OBUSINGUZI,
OBUSINGYE, HAMWE N’OBUJURIZI
BURIKUHIMBISA RUHANGA

Ekyahandiikirwe: : “Eshi oha
omwaka omweru mwingi!”

(Zaaburi 65:11)

Ekyahandiikirwe: “Ai Nyakubaho,
oryankorera ebi wanteekateekyeire.”

(Zaaburi 138:8)

ESHAARA Y’AMAANI

Mukama Yesu Kristo, aha kiro eki
ekya 31, HAASIRIRA OMWAKA
GWANGYE kuruga okwezi kwa
Biruuru kuhika Muzimbeezi!

Reka embabazi zaawe zishweekye:

- * omugisha gwangye
- * okwetwa kwangye
- * eka yangye
- * amagara gangye
- * esente zangye
- * emirimo yangye
- * encwamu zangye
- * emikago yangye
- * obutumwa bwangye
- * enju yangye
- * orugyendo rwangye
- * amagara gangye g'omutima
- * obusinguzi bwangye

Mukama Yesu, ijuza omwaka ogu
n'okubaho kwawe, kandi oreke
hatabaho EKINTU kibi ekyagutahamu.

Nindangirira obusinguzi ahari:

enteekateeka zangye,
ebirooto byangye,
omurimo gwangye,
okugyenda kwangye,
emigisha yangye,
emishaaruuro yangye.

Mukama Yesu, rekura OBUSINGYE
bwije omuri ibara kwezi.

Obusingye omu ka yangye.

Obusingye omu mutima gwangye.

Obusingye omu bwengye bwangye.

Obusingye omu mikago yangye.

Obusingye omu biteekateeko byangye.

Obusingye omu ncwamu zangye.

Mukama, ijuza omwaka ogu

N”OBUJURIZI BW”EKITIINWA:

Obujurizi bw'okukiza,
obujurizi bw'obuganzi,
obujurizi bw'okutunguurwa aha
murimo,
obujurizi bw'obusinguzi,
obujurizi bw'okuhweerwaho Ruhanga,
obujurizi bw'emigisha y'omutaano.
Mukama, ta sitampu y'obusinguzi aha
mugisha gwangye.

Eki ndaakwateho kyona – kiheereze
omugisha.

Ahu ndaaze hoona – onkuratire
n'omugisha.

Eki ndaakore kyona – reka omukono
gwawe gukihikyeho.

Nindangirira ngu omwaka ogu
GUTAHIKWAHO amaani goona

ag'omwirima,

GUHEEBWE OMUGISHA

GURINDWE

Kandi GWIJUZIBWE

Ahansi y'Eshagama ya Yesu.

Amiina.

ESHAARA Y'OMURIRO

Ai muriro gwa Mutima orikwera
ogurikwaka,
IJURIZA OMWAKA GWANGYE!

Cwekyereza:

Ibara nteekateeka y'omuriro
ogutarihwaho, eyaateirwe aha kwezi
kwona.

Ibara kutaahataahwamu kwa Sitaane.

Ibara nteekateeka ya Sitaane.

Ibara kalenda esiisikaire.

Ibara burangi bufiire.

Ibara mwambi ogusherekirwe.

Ibara kutaahirirwa Sitaane.

Ibara mutego ogutegyereize omu
maisho.

*Reka OMURIRO gugyende
gunyebeembeire omuri:*

- * Biruuru
- * Kaatambuga
- * Katumba
- * Nyeikoma
- * Kyabahezi
- * Kahingo
- * Nyeirurwe
- * Kicura-nsi
- * Nyakanga/Kamena
- * Kashwa
- * Museenene
- * Muzimbeezi

Reka OMURIRO gukingire
omuhanda gwangye.

Reka OMURIRO gurinde obusinguzi
bwangye bwona.

Reka OMURIRO gurinde enju
yangye.

Reka OMURIRO gushweke
omugisha gwangye.

Nindangirira n'omuriro ngu:
Omwaka gwangye gwaijuziibwe.
Omugisha gwangye gurinzirwe gye.
Obujurizi bwangye burinzirwe gye.
Obusinguzi bwangye
n'obw'obutwire.
Obusinguzi bwangye burihi.
Omu iziina eririkukira agandi erya
Yesu. Amiina.

EKIRO 31
OKUSIIMA AHABW'OMWAKA
MUTSYA

**“Mukama, naakusiima kare
ahabw'ebyo byona ebi orikwija kukora
omwaka ugu”**

Ebyahandiikirwe:

**“N'ahabw'ekyo nimbagambira nti:
Kyona eki murishaba
nimweshengyereza, mwikirize ngu
muryakitunga, haza kwe
muryakiheebwa.”** (*Mariko 11:24*)

**“Kandi musiime omu birikubaho
byona, ahabw'okuba ekyo nikyo
Ruhanga abendeza omuri kristo Yesu.”**
(*1 Abatesalonika 5:18*)

**“Musiime Mukama ahabw'okuba ni
murungi; ahabw'okuba rukundo ye eba
ey'ebiro byona!”** (*Zaaburi 136:1*)

Okwehabura

Ekikorwa ky'okusiima n'okwikiriza
omu bikorwa.

Ku tusiima Ruhanga tutaine eki
twareebire, tuba nitworeka ngu
ekigarukwamu kyaherize kureebeka.

Hati, nitwemerera aha kigambo,
twebaza Ruhanga kare, ahabw'omwaka
gwona.

**EBINTU 21 BYOKWEMERERAHO
KUSIIMA RUHANGA
AHABW'OMWAKA**

1. Taata, ninkusiima ahabw'ekiconco ky'amagara, hamwe n'omugisha gw'okureeba omwaka ugu.
2. Ninkusiima ahabw'okuba eshaara zangye zaaherize kuhurirwa n'okugarukwamu.
3. Ninkusiima ahabw'okwikiriza kuguma kugyenda naanye buri izooba ery'ogu mwaka.
4. Ninkusiima ahabw'oburinsi bwawe aha magara gangye, eka yangye, hamwe n'omurimo gwangye.
5. Ninkusiima ahabw'obusinguzi bw'entaro ezi ntaraija kurwana.

**EBINTU 21 BYOKWEMERERAHO
KUSIIMA RUHANGA
AHABW'OMWAKA**

6.Ruhanga Taata,
ninkusiima ahabw'obusingye obu
nyine omu mutima gwangye, omu
bwengye bwangye, hamwe n'omu ka
yangye okuraba omu mwaka ogu.

7.Ninkusiima
ahabw'enyigi ziigwire, hamwe
n'emigisha y'omutaano
enteekateekyeirwe omu maisho
gangye.

8.Ninkusiima
ahabw'obuganzi obu nyine omu
maisho ga Ruhanga, hamwe
n'ag'abantu.

9.Ninkusiima
ahabw'okunkiza, amaani, hamwe
n'okurinda amagara gangye.

10.Ninkusiima

ahabw'ebw'orikumpeereza, obuteeka,
hamwe n'okumpweera omu byetaago
byangye byona.

11.Ninkusiima

ahabw'obwengye, n'okukora
okucwamu kuhikire omuri buri idaara
eri ndikuhikaho.

12.Taata ow'omu iguru,
ninkusiima ahabw'okukura omu
by'omutima, okweyongyera omu
magara g'okushaba, n'okuhamya
omukago gwangye n'Iwe.

13. Ninkusiima

ahabw'okugaruraho byona ebi naabaire
nfeereirwe.

14.Ruhanga

ow'Obushoboorozi, ninkusiima
ahabw'okugyenda omu maisho,
okweyongyera, hamwe n'okukora
n'amaani omwaka ogu.

15. Ninkusiima

ahabw'emikago mirungi, n'okugira
emitwarize y'obwa Ruhanga.

16. Ruhanga

ow'Ekitiinwa, ninkusiima
ahabw'okushemererwa oku nyine,
esheko, n'okweyongyera kugira
amatsiko omu magara gangye.

17. Taata ow'omu iguru,
ninkusiima ahabw'okukomooroka,
nkaruga omuri ibara kintu kyona
ekibaire nikinkoma.

18. Ninkusiima

ahabw'okushoboorokyerwa
n'okumanya ekihikire, n'okuhikaana
n'ekigyendererwa kyangye.

19. Ninkusiima

ahabw'obujurizi oburajje kuhaisa
Eiziina ryawe ekitiinwa.

20. Ninkusiima

ahabw'embabazi zaawe eziraije
kuguma nizingambirira buri izooba
ery'omwaka ogu.

21. Ninkusiima, Mukama

Ruhanga, ahabw'okuba omwaka ogu
guhairwe omugisha, guhasiriirwe,
kandi gujwekirwe oburungi. Ekitiinwa
n'okuhaisibwa, hamwe n'okusiimwa
byona n'ebyawe – hati n'obusingye
bwona. Amiina.

ESHAARA Y'OKUHENDERA

Taata ow'omu iguru,

Omu iziina rya Yesu Kristo, ninkwimukiza omwaka ogu gwona omu maisho g'Ekitebe kyawe ekirikwera. Yebare kunyebembera kuraba omu biro ebi 31 eby'okushaba, ahabwa ibara businguzi, ibara kushuurukirwa, ibara kugarurwa busya, hamwe na ibara businguzi ebyaherize kuheerwa omu mutima.

Mukama, hati ninyijuzza ibara shaara, ibara kiragiyo, ibara kuraganisa, ibara shaara y'omuriro, hamwe na ibara kugamba eky'oburangi n'Eshagama ya Yesu.

Reka baamaraika ba Ruhanga beemerere aha miryango y'ameezi gangye. Reka omuriro gwa Ruhanga gwetooroore amazooba n'ebiro byangye. Reka Mutima Orikwera ayebembere ibara ncwamu, ibara kigyere, hamwe na ibara murimo ogumpairwe.

Taata, hiikanisa omwaka gwangye n'Okukunda kwawe okwijuriire kimwe. Reka hatakaabaho ekyataaha omu mwaka ogu, okwihaho ekyo kyonka ekirikuruga ahari Iwe. Reka hatakaabaho enteekateeka y'omwirima eyaahonokaho. Reka hatabaho agyenda mbi eyaarabamu.

Reka hatabaho okutaahataahwamu Sitaane okwimutsya omutwe.

Haasirira enju yangye. Haasirira eka yangye. Haasirira obutumwa bwangye. Haasirira zaapurogyekiti zangye. Haasirira omurimo gwangye. Haasirira esente zangye. Haasirira emirimo erikumpeebwa. Haasirira amagara gangye. Haasirira omugisha gwangye.

Reka omwaka ogu gube:

*omwaka gw'obuteeka
omwaka gw'obuganzi
omwaka gw'obusinguzi
obutarikwemerezibwa,
omwaka gw'okukira n'okugarukana,
omwaka gw'obusingye hamwe
n'obugwagye,
omwaka gw'okushemererwa
n'okusheka,
omwaka gw'okugarukwamu
kw'eshaara zaawe,
omwaka gw'okugyenda omu maisho,
omwaka gw'okutunga obuhwezi bwa
maraika,*

*omwaka gw'okuhikiiriza omwoga
gw'oburangi,
omwaka gw'ekitiinwa,
ogw'obusinguzi, hamwe
n'okubugabugana na Ruhanga.
Mukama Yesu, ninta orugyendo
rwangye rwonu omu maisho gaawe.
Onyebembere, ongyende enyima,
ongyende aha rubaju, kandi otuure
omuriinye. Reka okubaho kwawe kube
eky'okwesangira kyangye, kandi
obukuru bwawe bube nibwo bwaba
amaani gangye.
Mbwenu hati, Ai Mukama, hikiiriza
ebyo byona ebinkwatsireho.
Hendera ebi waatandikire.
Yoreka eki waagambire.
Rinda eki waahaire omugisha.
Kandi ohikiirize ibara ndagaano ei
waakozire ekwatsire aha mwaka ogu.*

Nindangirira omwaka ugu:
GUHAIRWE OMUGISHA,
GUTEBEEKANISIIBWE,
GUHASIRIIRWE,
GURINZIRWE,
KANDI GWIJWIRE

Omu iziina eririkukira agandi goona
erya Yesu Kristo.

Amiina.

EMIGISHA Y'OBURANGI ERIKUHERERUKA

Omu iziina rya Yesu Kristo, ningamba emigisha egi aha magara gaawe:

Mukama naakakuheereze omugisha gw'okuramaara, okagira amagara marungi, hamwe n'obusingye nyamwingi.

Ibara rwingi rw'obuganzi nirukagume rwigwirwe ahabwawe, kandi rugume rwigwirwe omwaka gwona.

Baamaraika nibakagume naiwe omuri ibara rugyendo oru oraazemu.

Eka yawe neekejire okushemererwa, obutagatsi, hamwe n'oburinsi burikuruga omu iguru.

Emikono yaawe neekombekye, kandi ekasingura omuri buri kimwe eki oraakwateho.

Obutumwa bwawe nibukeeyongyere,
n'okwetwa kwawe kukaaka
nk'omushana.

Ni hakabure ekikwato kyona
ekiheetsirwe ahabwawe ekirigumaho.
Abazigu baawe nibakahunamisibwe
kandi bakahuga.

Ekyakuba kyakyererezeibwe kyona
nikikarugyemu eky'obwira.

Orugamba rwona nirukahindukyemu
obujurizi.

Ibara eiziga nirikahindukyemu esheko.

Eky'omuntu atuura naayenda kutunga
nikikahindukyemu engyenderwaho.

Ekitiinwa kya Ruhanga nikikasangire
omwaka gwawe.

Omugisha gwawe nigukagume
gurinzirwe gye, n'ekigyendererwa
kyawe kikahikiirizibwa.

Omwaka ogu nigukahindukyemu
omwaka gwawe gw'amaani ogurimu
obukuru bwa Ruhanga.

Ohairwe omugisha.
Orinzirwe gye.
Oine obuganzi.
Okiriziibwe ori ahaiguru.
Ohairwe omwanya mukuru.
N'ahabw'ekyo nindahira:
Ogu omwaka nigwija kukugambirira.
Ogu omwaka noiya kugugiriramu
obuganzi.
Omwaka ugu nigwija kukujweka
ekirunga.
Omwaka ugu nigwija kuheereza
Ruhanga ekitiinwa kurabira omuriiwe.
Omu iziina erikukira amaziina agandi
erya Yesu Kristo.
Amiina.

**Kitebeekanisiibwe kandi
kyaijuzibwa omu shaara:**

**Rev. Fr. Alexander
Mwebembezi**

**Mbarara Archdiocese,
Uganda - East Africa**

Testimonies



+256 769 391 762

Donate

Gift a book to many



A/C No. 3204978413

(Alexander Mwebembezi)



+256 776 688423

(Alexander Mwebembezi)



+256 706 398 126

(Alexander Mwebembezi)

For more books, Log on to:

www.fralexandermwebembezi.org

MoMo Pay

754 379

airtel Pay

6738107